

14 апреля 2025 по н. ст.

Ссылка на последование: <https://cerkva.minei.ru/glas/showSlugba?id=29401&dayId=30894>

Ссылка на день календаря: <https://cerkva.minei.ru/glas/indiktDay?id=30894>

1 Апреля 2025 года, Понедельник, (А344,В6). Последование великого повечерия в Великий Понедельник, Утрени Великого Вторника и 1-го часа

Последование великого повечерия

Священник: **Благословён Бог наш всегда, ныне и присно и во веки веков.**

Чтец: **Ами́нь.**

Сла́ва Тебе́, Бо́же наш, сла́ва Тебе́.

Царю́ Небе́сный, Уте́шителю, Ду́ше и́стины, Иже везде́ сый и вся исполня́яй, Сокро́вище благі́х и жи́зни Подáтелю, прииди́ и всели́ся в ны, и очисти ны от всякія скве́рны, и спаси́, Бла́же, ду́ши на́ша.

Святы́й Бо́же, Святы́й Кре́пкий, Святы́й Безсме́ртный, помилуй нас. (Трижды.)

Сла́ва Отцу́ и Сы́ну и Свято́му Ду́ху, и ны́не и присно и во ве́ки веко́в. Ами́нь.

Пресвята́я Трѳи́це, помилуй нас; Го́споди, очисти грехи́ на́ша; Влады́ко, прости́ беззакѳнїя на́ша; Святы́й, посети́ и исцели́ немо́щи на́ша, имене Твоего́ ра́ди.

Го́споди, помилуй. (Трижды.)

Сла́ва Отцу́ и Сы́ну и Свято́му Ду́ху, и ны́не и присно и во ве́ки веко́в. Ами́нь.

Отче наш, Иже еси́ на небесе́х! Да святѳтся и́мя Твое́, да приидет Ца́рствие Твое́, да бу́дет во́ля Твоя́, я́ко на небеси́ и на земли́. Хлеб наш насущный даждь нам днесь; и оста́ви нам до́лги на́ша, я́коже и мы оставя́ем должником́ нашим; и не введи́ нас во искуше́ние, но изба́ви нас от лука́ваго.

Священник: **Яко Твое́ есть Ца́рство и си́ла и сла́ва, Отца́ и Сы́на и Свята́го Ду́ха, ны́не и присно и во ве́ки веко́в.**

Чтец: **Ами́нь.**

Го́споди, помилуй. (12 раз.)

Сла́ва Отцу́ и Сы́ну и Свято́му Ду́ху, и ны́не и присно и во ве́ки веко́в. Ами́нь.

Прииди́те, поклонѳмся Царе́ви на́шему Бо́гу.

Прииди́те, поклонѳмся и припаде́м Христу́, Царе́ви на́шему Бо́гу.

Прииди́те, поклонѳмся и припаде́м Самому́ Христу́, Царе́ви и Бо́гу на́шему.

Шестопсалмие:

Псалом 4.

Внегда́ призвати́ ми, услы́ша мя Бог пра́вды моея́, в ско́рби распро́странѳл мя еси́, ущедри́ мя и услы́ши моли́тву мою. Сы́нове челове́чести, доко́ле тяжкосе́рдии? Вску́ю любите́ суету́ и ищите́ лжи? И увѳдите, я́ко уди́ви Го́сподь преподо́бнаго Своего́: Го́сподь услы́шит мя, внегда́ воззва́ти ми к Нему́. Гне́вайтесь, и не согреша́йте, я́же глаго́лете в серде́цах ва́ших, на ло́жах ва́ших умили́тесь. Пожрите́ же́ртву пра́вды и упова́йте на Го́спода. Мно́зи глаго́лют: кто яви́т нам благáя? Зна́менася на нас свет лица́ Твоего́, Го́споди. Дал еси́ весе́лие в се́рдце моём: от пло́да пше́ницы, вина́ и е́лея своего́ умно́жишася. В ми́ре вку́пе усну́ и почи́ю, я́ко Ты, Го́споди, еди́наго на упова́нии всели́л мя еси́.

Псалом 6.

Господи, да не яростию Твоею обличиши мене, ниже гневом Твоим накажеша мене. Помилуй мя, Господи, яко немощен есмь, исцели мя, Господи, яко смятшася кости моя. И душа моя смятется зело: и Ты, Господи, доколе? Обратися, Господи, избави душу мою: спаси мя ради милости Твоея. Яко несть в смерти поминаяй Тебе: во аде же кто исповестся Тебе? Утрудихся воздыханием моим, измью на всяку ночь ложе мое, слезами моими постелю мою омочу. Смятется от ярости око мое, обетшах во всех вразех моих. Отступите от Мене, вси делающии беззаконие, яко услыша Господь глас плача моего: услыша Господь моление мое, Господь молитву мою прият. Да постыдятся и смятутся вси врази мои, да возвратятся и устыдятся зело вскоре.

Псалом 12.

Доколе, Господи, забудеши мя до конца? Доколе отвращаеши лице Твое от Мене? Доколе положу советы в души моей, болезни в сердце моем день и ночь? Доколе вознесется враг мой на мя? Призри, услыши мя, Господи, Боже мой, просвети очи мои, да не когда усну в смерть, да не когда речет враг мой: укрепихся на него. Стужающие ми возрадуются, аще подвижуся. Аз же на милость Твою уповах. Возрадуется сердце мое о спасении Твоем, воспою Господеву, благодеявшему мне, и пою имени Господа Вышняго.

Призри, услыши мя, Господи, Боже мой, просвети очи мои, да не когда усну в смерть, да не когда речет враг мой: укрепихся на него.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе, Боже. (Трижды.)

Господи, помилуй. (Трижды.)

Слава Отцу и Сыну и Святому Духу, и ныне и присно и во веки веков. Аминь.

Псалом 24.

К Тебе, Господи, воздвигох душу мою, Боже мой, на Тя уповах, да не постыжуся во век, ниже да посмеют ми ся врази мои, ибо вси терпящии Тя не постыдятся. Да постыдятся беззаконнующии вотще. Пути Твоя, Господи, скажи ми, и стезям Твоим научи мя. Настави мя на истину Твою, и научи мя, яко Ты еси Бог Спас мой, и Тебе терпех весь день. Помяни щедроты Твоя, Господи, и милости Твоя, яко от века суть. Грех юности моея, и неведения моего не помяни, по милости Твоей помяни мя Ты, ради благости Твоея, Господи. Благ и прав Господь, сего ради законоположит согрешающим на пути. Наставит краткия на суд, научит краткия путем Своим. Все пути Господни милость и истина, взыскающим завета Его, и свидения Его. Ради имени Твоего, Господи, и очисти грех мой, мног бо есть. Кто есть человек бояйся Господа? Законоположит ему на пути, егбоже изволи. Душа его во благих водворится, и семя его наследит землю. Держава Господь боящихся Его, и завет Его явит им. Очи мои выну ко Господу, яко Той исторгнет от сети нозе мои. Призри на мя и помилуй мя, яко единород и нищ есмь аз. Скорби сердца моего умножишася, от нужд моих

изведи́ мя. Виждь смире́ние мое, и труд мой, и оста́ви вся грехи́ моя. Виждь враги́ моя, яко умно́жишася, и ненавиде́нием неправедным возненавидеша мя. Сохрани́ ду́шу мою, и изба́ви мя, да не постыжу́ся, яко упова́х на Тя. Незлобиви́и и пра́вии прилепля́хуся мне, яко потерпе́х Тя, Го́споди. Изба́ви, Бо́же, Изра́иля от всех скорбе́й его.

Псалом 30.

На Тя, Го́споди, упова́х, да не постыжу́ся во век: пра́вдою Твое́ю изба́ви мя и изми́ мя. Приклони́ ко мне у́хо Твое́, ускори́ изъяти́ мя, бу́ди ми в Бо́га Защи́тителя, и в дом прибе́жища, е́же спасти́ мя. Яко держа́ва моя́ и прибе́жище моё еси́ Ты, и и́мене Твоего́ ра́ди наста́виши мя, и препита́еши мя. Изведе́ши мя от се́ти сея́, ю́же скры́ша ми, яко Ты еси́ Защи́титель мой, Го́споди. В ру́це Твои́ предложу́ дух мой: изба́вил мя еси́, Го́споди Бо́же и́стины. Возненавидел еси́ храня́щая суеты́ вотще́: аз же на Го́спода упова́х. Возра́дуюся и возвеселю́ся о ми́лости Твоей, яко призре́л еси́ на смире́ние моё, спасл еси́ от нужд ду́шу мою, и не́си мене́ затвори́л в рука́х вра́жиих, поста́вил еси́ на пространне но́зе мои. Помилуй́ мя, Го́споди, яко скорблю́: смяте́ся я́ростию о́ко моё, душа́ моя́ и утроба́ моя. Яко исчезе́ в болéзни живо́т мой и ле́та моя́ в воздыха́нии, изнемо́же нището́ю кре́пость моя́, и ко́сти моя́ смято́шася. От всех враг моих бых поноше́ние, и сосéдом моим зело́, и страх зна́емым моим: ви́дящий мя вон бежа́ша от Мене́. Забвён бых яко мертв от се́рдца, бых яко сосу́д погублён. Яко слы́шах гаждéние мно́гих, живу́щих о́крест, внегда́ обрати́ся им вку́пе на мя, прияти́ ду́шу мою́ совеща́ша. Аз же на Тя, Го́споди, упова́х, рех: Ты еси́ Бог мой. В руку́ Твое́ю жре́бии мои́: изба́ви мя из руки́ враг моих и от гоня́щих мя. Просвети́ лице́ Твое на раба́ Твоего, спаси́ мя ми́лостью Твоею. Го́споди, да не постыжу́ся, яко призва́х Тя: да постыдя́тся нечестивии́и и снидут во ад. Не́мы да будут устны́ льсти́выя, глаго́лющая на пра́веднаго беззакóние, горды́нею и уничи́жением. Коль мно́гое мно́жество бла́гости Твоя́, Го́споди, ю́же скры́л еси́ боя́щимся Тебе, соде́лал еси́ упова́ющим на Тя пред сы́ны челове́ческими. Скры́еши их в та́йне лица́ Твоего от мяте́жа челове́ческа, покры́еши их в кро́ве от пререка́ния язык. Благослове́н Госпо́дь, яко удиви́ ми́лость Свою́ во гра́де огражде́ния. Аз же Рех во изступле́нии моем: отве́ржен есмь от лица́ о́чию Твоею: сего́ ра́ди услы́шал еси́ глас моли́твы моея́, внегда́ воззва́х к Тебе. Возлюбите́ Го́спода, вси преподо́бнии́и Его, яко и́стины взыска́ет Госпо́дь, и воздаёт изли́ше творя́щим горды́ню. Мужа́йтесь, и да крепит́ся се́рдце ваше, вси упова́ющии на Го́спода.

Псалом 90.

Живы́й в по́мощи Вы́шняго, в кро́ве Бо́га Небе́снаго водвори́тся. Рече́т Го́сподеви: Засту́пник мой еси́ и Прибе́жище мое, Бог мой, и упова́ю на Него́. Яко Той изба́вит тя от се́ти лóвчи, и от словесе́ мяте́жна, плещма́ Свои́ма осенит́ тя, и под криле́ Его наде́еши́ся: ору́жием обы́дет тя и́стина Его. Не убойши́ся от стра́ха но́щнаго, от стрелы́ летя́щая во дни, от ве́щи во тьме прехо́дящая, от сря́ща и бе́са полу́деннаго. Падёт от страны́ твоя́ ты́сяща, и тьма одесну́ю тебе́, к тебе́ же не прибли́жится, оба́че очима́ твои́ма смóтриши,

и воздаяние грешников узриши. Яко Ты, Господи, упование мое, Вышняго положил еси прибежище твое. Не придет к тебе зло, и рана не приблизится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнешоу камень ногу твою, на аспида и василиска наступиши, и поперешоу льва и змия. Яко на Мя упова, и избавлю и: покрью и, яко позна имя Мое. Воззовет ко Мне, и услышу его: с ним есмь в скорби, изму его, и прославлю его, долготою дней исполню его, и явлю ему спасение Мое.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе, Боже. (Трижды.)

Господи, помилуй. (Трижды.)

Слава Отцу и Сыну и Святому Духу, и ныне и присно и во веки веков. Аминь.

И начинаем глаголати стихи со сладкопением, не скоро и великим гласом на оба лика, кийждо лик свой стих.

Первый лик поет:

С нами Бог, разумейте, языцы, и покаряйтесь:

Яко с нами Бог.

Вторый лик поет тойже Стих:

С нами Бог, разумейте, языцы, и покаряйтесь:

Яко с нами Бог.

Таже по чину кийждо лик свой Стих:

Услышите до последних земли:

Яко с нами Бог.

Могущии покоряйтесь:

Яко с нами Бог.

Аще бо паки возможете, и паки побеждены будете:

Яко с нами Бог.

И иже аще совет совещаёте, разорит Господь:

Яко с нами Бог.

И слово, еже аще возглаголете, не пребудет в вас:

Яко с нами Бог.

Страха же вашего не убоимся, ниже смутимся:

Яко с нами Бог.

Господа же Бога нашего Того освятим, и Той будет нам в страх:

Яко с нами Бог.

И аще на Него надеяся буду, будет мне во освящение:

Яко с нами Бог.

И уповаю буду на Него, и спасуся Им:

Яко с нами Бог.

Се аз и дети, яже ми даде Бог:

Яко с нами Бог.

Людие ходящии во тьме, видеша свет велий:

Яко с нами Бог.

Живущии во странѣ, и сѣни смѣртней, свет возсияет на вы:

Яко с нами Бог.

Яко Отроча родися нам, Сын, и дадеся нам:

Яко с нами Бог.

Егоже начальство бысть на раме Его:

Яко с нами Бог.

И мира Его несть предела:

Яко с нами Бог.

И нарицается имя Его, велика совета Ангел:

Яко с нами Бог.

Чуден советник:

Яко с нами Бог.

Бог крепок, Властитель, Начальник мира:

Яко с нами Бог.

Отец будущаго века:

Яко с нами Бог.

Исполнившимся же стихом, яко предречется, поется:

С нами Бог, разумейте, языцы, и покоряйтесь:

Яко с нами Бог.

И паки тожде от обою лику:

С нами Бог, разумейте, языцы, и покоряйтесь:

Яко с нами Бог.

Слава Отцу и Сыну и Святому Духу.

Первый Лик: С нами Бог.

И ныне и присно и во веки веков. Аминь.

Вторый лик тожде:

С нами Бог.

Таже два лика вкупе:

Яко с нами Бог.

И абие настоящия тропари:

Первый Лик: День прешед, благодарю Тя, Господи, вечер прошу с ночью, без греха подаждь ми, Спасе, и спаси мя.

Вторый Лик: Слава Отцу и Сыну и Святому Духу.

День прешед, славословлю Тя, Владыко, вечер прошу с ночью, безсблзство подаждь ми, Спасе, и спаси мя.

Таже оба лика:

И ныне и присно и во веки веков. Аминь.

День прешед, песнословлю Тя, Святой, вечер прошу с ночью, ненаветен подаждь ми, Спасе, и спаси мя.

Безплотное естество херувимское немолчными песнями Тя славословят.

Шестокрыльная животная Серафими непрестанными гласы Тя превозносят.

Ангелов же вся воинства трисвятыми песнями Тя восхваляют.

Прежде бо всех еси сый Отец, и собезначальна имаша Твоего Сына,

И равночестна носяй Духа жизни, Троицы являеши нераздельное.

Пресвятая Дево, Мати Божия, и иже Слова самовидцы и слуги,

Пророк же и мученик вси лицы, яко безсмертну имуще жизнь,

О всех молитесь прилежно, яко вси есмь в бедах.

Да прелести избавльшися лукаваго, ангельскую вопиём песнь:

Святый, Святый, Святый, Трисвятый Господи, помилуй и спаси нас. Аминь.

(Сие глаголют во святей горе Афонстей, и в прочих монастырех по стиху, кийждо лик свой стих.)

И абие низким гласом:

Верую во единого Бога Отца, Вседержителя, Творца небу и земли, видимым же всем и невидимым. И во единого Господа Иисуса Христа, Сына Божия, Единородного, Иже от Отца рожденного прежде всех век. Света от Света, Бога истинна от Бога истинна, рождена, несотворенна, единосущна Отцу, имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы, и вочеловечшася. Распятого же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на небеса, и сидяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущего века. Аминь.

И абие священник возглашает пред царскими дверьми, а лик за ним повторяет:

Священник: Пресвятая Владычице Богородице, моли о нас грешных.

Лик: Пресвятая Владычице Богородице, моли о нас грешных. *(Дважды.)*

Священник: Вся небесныя силы святых Ангел и Архангел, молитесь о нас грешных.

Лик: Вся небесныя силы святых Ангел и Архангел, молитесь о нас грешных.

Священник: Святый Иоанне Пророче и Предтече и Крестителю Господа нашего Иисуса Христа, моли о нас грешных.

Лик: Святый Иоанне Пророче и Предтече и Крестителю Господа нашего Иисуса Христа, моли о нас грешных.

Священник: Святии славнии апостоли, пророцы и мученицы, и вси святии, молитесь о нас грешных.

Лик: Святии славнии апостоли, пророцы и мученицы, и вси святии, молитесь о нас грешных.

Священник: Преподобнии и богоноснии отцы наши, пастырие и учителяе вселенныя, молитесь о нас грешных.

Лик: Преподобнии и богоноснии отцы наши, пастырие и учителяе вселенныя, молитесь о нас грешных.

(Зде же глаголется и святой храма.)

Священник: Непобедимая и непостижимая, и Божественная сила Честнаго и Животворящаго Креста, не остави нас грешных.

Лик: Непобедимая и непостижимая, и Божественная сила Честнаго и Животворящаго Креста, не остави нас грешных.

Священник: Бóже, очисти нас грéшных.

Лик: Бóже, очисти нас грéшных.

Священник: Бóже, очисти нас грéшных и помíлуй нас. *(Единожды.)*

Чтец: Святы́й Бóже, Святы́й Кре́пкий, Святы́й Безсме́ртный, помíлуй нас.
(Трижды.)

**Сла́ва Отцу́ и Сы́ну и Свято́му Ду́ху, и ны́не и прíсно и во ве́ки веко́в.
Ами́нь.**

Пресвята́я Трóице, помíлуй нас; Го́споди, очисти грехи́ на́ша; Влады́ко, прости́ беззакóния на́ша; Святы́й, посети́ и исцели́ немо́щи на́ша, имене Твоего́ ради.

Го́споди, помíлуй. *(Трижды.)*

**Сла́ва Отцу́ и Сы́ну и Свято́му Ду́ху, и ны́не и прíсно и во ве́ки веко́в.
Ами́нь.**

Отче наш, Иже еси́ на небесéх! Да святíтся и́мя Твое́, да приíдет Цáрствие Твое́, да бу́дет во́ля Твоя́, я́ко на небеси́ и на земли́. Хлеб наш насущный даждь нам днесь; и остави́ нам до́лги на́ша, я́коже и мы оставя́ем должником́ нашим; и не введи́ нас во искуше́ние, но изба́ви нас от лука́ваго.

Священник: Я́ко Твое́ есть Цáрство и си́ла и сла́ва, Отца́ и Сы́на и Свята́го Ду́ха, ны́не и прíсно и во ве́ки веко́в.

Чтец: Ами́нь.

Лик поет тропари сия, во глас 2:

Лик: Просвети́ о́чи мои́, Христé Бóже, да не когда́ усну́ в смерть, да не когда́ речёт враг мой: укрепíхся на него́.

Сла́ва Отцу́ и Сы́ну и Свято́му Ду́ху.

Заступник души́ моея́ бу́ди, Бóже, я́ко посреде́ хожду́ сетей мно́гих, изба́ви мя от них, и спаси́ мя, Бла́же, я́ко Человеколюбец.

И ны́не и прíсно и во ве́ки веко́в. Ами́нь.

Я́ко не и́мамы дерзнове́ния за премно́гия грехи́ на́ша, Ты и́же от Тебе́ Ро́ждшагося моли́, Богороди́це Де́во, мно́го бо мо́жет моле́ние ма́тернее ко благосе́рдию Влады́ки, не прэзри грéшных мольбы́, Всечы́стая, я́ко Ми́лостив есть и спасти́ могíй, и́же и страда́ти о нас изво́ливый.

Чтец: Го́споди, помíлуй. *(40 раз.)*

**Сла́ва Отцу́ и Сы́ну и Свято́му Ду́ху, и ны́не и прíсно и во ве́ки веко́в.
Ами́нь.**

Честне́йшую Херувíм и сла́внейшую без сравне́ния Серафíм, без истле́ния Бо́га Сло́ва ро́ждшую, су́щую Богороди́цу Тя велича́ем.

Именем Господним благослови́, óтче.

Священник: Моли́твами святы́х оте́ц на́ших, Го́споди Иису́се Христé Бóже наш, помíлуй нас

Чтец: Ами́нь.

Молитва Великаго Василия:

Го́споди, Го́споди, избавле́й нас от вся́кия стрелы́ летя́щая во дни, изба́ви нас и от вся́кия ве́щи во тьме преходя́щая. Приими́ же́ртву вече́рнюю, рук на́ших воздея́ние. Сподóби же нас и но́чное по́прище без поро́ка преи́ти, неискуше́ны от злых. И изба́ви нас от вся́каго смуще́ния и боя́зни, я́же от диа́вола нам

прибывающия. Даруй душам нашим умиление, и помыслom нашим попечение, еже на страшнем и праведнем Твоем суде испытания. Пригвозди страху Твоему плоти наша, и умертви уды наша, сущия на земли, да и сонным безмолвием просветимся, зрением судеб Твоих. Отыми же от нас всякое мечтание неподобное, и похоть вредну. Возстави же нас во время молитвы, утверждены в вере, и преспевающия в заповедех Твоих, благоволением и благостию Единороднаго Сына Твоего, с Нимже благословен еси, с Пресвятым и Благим, и Животворящим Твоим Духом, ныне и присно и во веки веков. Аминь.

И абие:

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 50.

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя. Яко беззаконие мое аз знаю, и грех мой предо мною есть вина. Тебе единому согреших и лукавое пред Тобою сотворих, яко да оправдишися во словесах Твоих, и победиши, внегда судити Ти. Се бо в беззаконных зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоя явил ми еси. Окропиши мя иссопом, и очыщуся, омыеши мя, и паче снега убелюся. Слуху моему даши радость и веселие, возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от Мене. Возрады ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзешу, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен: сердце сокрушено и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Псалом 101.

Господи, услыши молитву мою, и вопль мой к Тебе да придет. Не отврати лица Твоего от Мене: воньже аще день скорблю, приклони ко мне ухо Твое: воньже аще день призову Тя, скоро услыши мя. Яко исчезоша яко дым днии мои, и кости моя яко сушило сохощася. Уязвен бых яко трава, и изсхе сердце мое, яко забых снести хлеб мой. От гласа воздыхания моего прильпе кость моя плоти моей. Уподобихся неясоти пустынной, бых яко ночный вран на нырищи. Бдех и бых яко птица осбоящаяся на зде. Весь день поношаху ми врази мои, и хвлящии мя мною кленяхуся. Зане пепел яко хлеб ядах, и питие

мое с плачем растворях. От лица гнева Твоего и ярости Твоея: яко вознес низвергл мя еси. Дни мои яко сень уклонишася, и аз яко сено изсхох. Ты же, Господи, во век пребываеши, и память Твоя в род и род. Ты воскрес ущедриши Сиона, яко время ущедрити его, яко прииде время. Яко благоволиша раби Твои камене его, и персть его ущедрят. И убоятся языцы имене Господня, и вси царие земстии славы Твоея. Яко созиждет Господь Сиона, и явится во славе Своей. Призре на молитву смиренных, и не уничижи моления их. Да напишется сие в род ин, и людие зиждемии восхвалят Господа. Яко приниче с высоты святыя Своея, Господь с небесе на землю призре, услышати воздыхание окованных, разрешити сыны умерщвленных, возвестити в Сионе имя Господне, и хвалу Его во Иерусалиме. Внегда собратися людем вкупе и царем, еже работати Господеви. Отвеща Ему на пути крепости Его: умаление дней моих возвести ми. Не возведи мене в преполовение дней моих: в роде родов лета Твоя. В началех Ты, Господи, землю основал еси, и дела руку Твоею суть небеса. Та погубнут, Ты же пребываеши, и вся яко риза обетшают, и яко одежду свиеши я, и изменятся. Ты же тойжде еси, и лета Твоя не оскудеют. Сынове раб Твоих вселятся, и семя их во век исправится.

Молитва Манассии, царя иудейска:

Господи Вседержителю, Боже отец наших, Авраамов, и Исааков, и Иаковль, и семене их праведнаго, сотворивый небо и землю со всю лепотою их, связавый море словом повеления Твоего, заключивый бездну, и запечатствовавый ю страшным и славным именем Твоим, егоже вся боятся, и трепещут от лица силы Твоея, яко непостоянно великолепие славы Твоея, и нестерпим гнев еже на грешники прещения Твоего, безмерна же и неизследованна милость обещания Твоего: Ты бо еси Господь Вышний, благоутробен, долготерпелив, и многомилостив, и кайся о злобах человеческих. Ты, Господи, по множеству благодати Твоея, обеща еси покаяние и оставление согрешившим Тебе, и множеством щедрот Твоих, определи еси покаяние грешником во спасение. Ты убо, Господи Боже сил, не положил еси покаяние праведным, Аврааму, и Исааку, и Иакову, не согрешившим Тебе: но положил еси покаяние на мне грешнем, зане согреших паче числа песка морскаго. Умножишася беззакония моя, Господи, умножишася беззакония моя, и не смь достоин возрети, и видети высоту небесную, от множества неправд моих, слячен есмь многими узами железными, во еже не возвести главы моея, и несть ми ослабления: зане прогневах ярость Твою, и лукавое пред Тобою сотворих, не сотворивый воли Твоея, и не сохранивый повелений Твоих. И ныне приклоняю колена сердца, требуя от Тебе благодати. Согреших, Господи, согреших, и беззакония моя аз вем: но прошу моляся, ослаби ми Господи, ослаби ми, и не погуби мене со беззаконьями моими, ниже в век враждовав соблюдеши зол моих, ниже осудиши мя в преисподних земли. Зане Ты еси, Боже, Бог кающихся, и на мне явиши всю благодать Твою, яко недостойна суща спасеши мя, по мнозей милости Твоей, и восхваляю Тя выну во днех живота моего. Яко Тя поет вся сила небесная, и Твоя есть слава во веки веков. Аминь.

**Святѣй Бѣже, Святѣй Крѣпкій, Святѣй Безсмѣртный, помилуй нас. (Трижды.)
Слава Отцѹ и Сыну и Святѣму Дѹху, и ныне и присно и во веки веков.
Ами́нь.**

Пресвятая Трѣице, помилуй нас; Господи, очисти грехи наша; Владыко, прости беззакония наша; Святѣй, посети и исцели немощи наша, имене Твоего ради.

Господи, помилуй. (Трижды.)

**Слава Отцѹ и Сыну и Святѣму Дѹху, и ныне и присно и во веки веков.
Ами́нь.**

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила и слава, Отца и Сына и Святаго Духа, ныне и присно и во веки веков.

Лик: Ами́нь.

Тропарь, глас 6:

Помилуй нас, Господи, помилуй нас: всякаго бо ответа недоумѣюще, сию Ти моли́тву, яко Владыце, грѣшнии приносим, помилуй нас.

Слава Отцѹ и Сыну и Святѣму Дѹху.

Господи, помилуй нас: на Тя бо уповахом, не прогневайся на ны зело, ниже помяни беззаконий наших, но призри и ныне яко благоутробен, и избави ны от враг наших: Ты бо еси Бог наш, и мы людем Твоим, вси дела руку Твоею, и имя Твое призываем.

И ныне и присно и во веки веков. Ами́нь.

Милосердия двери отверзи нам, Благословенная Богородице, надеющихся на Тя да не погибнем, но да избавимся Тобою от бед: Ты бо еси спасение рода христианскаго.

Чтец: Господи, помилуй. (40 раз.)

**Слава Отцѹ и Сыну и Святѣму Дѹху, и ныне и присно и во веки веков.
Ами́нь.**

Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Именем Господним благослови, отче.

Священник: Молитвами святых отец наших, Господи Иисусе Христе, Боже наш, помилуй нас.

Чтец: Ами́нь.

Владыко Бже, Отче Вседержителю, Господи, Сыне Единородный, Иисусе Христе, и Святѣй Дѹше, Едино Божество, Едина Сила, помилуй мя, грѣшнаго, и и́миже вѣси судьба́ми, спаси мя, недостѣйнаго раба Твоего, яко благословен еси во веки веков. Ами́нь.

Приидите, поклонимся Цареву нашему Богу.

Приидите, поклонимся и припадѣм Христу, Цареву нашему Богу.

Приидите, поклонимся и припадѣм Самому Христу, Цареву и Богу нашему.

Псалом 69.

Боже, в по́мощь мою вонми́, Го́споди, помощи́ ми потщи́ся. Да посты́дятся и посра́мятся и́щущии ду́шу мою, да возвратя́тся вспя́ть, и посты́дятся хотя́щими ми зла́я. Да возвратя́тся а́бие стыдя́щися глаго́лющии ми: бла́гоже, бла́гоже. Да возра́дуются и возвеселя́тся о Тебе́ вси и́щущии Тебе́, Бо́же, и да глаго́лют вы́ну: да возвели́чится Го́сподь, любя́щии спасе́ние Твое́. Аз же нищ есмь и убо́г, Бо́же, помози́ ми. Помо́шник мой и Изба́витель мой еси́ Ты, Го́споди, не зако́сни.

Псалом 142.

Го́споди, услы́ши моли́тву мою, внуши́ моле́ние мое во и́стине Твоей, услы́ши мя в пра́вде Твоей и не вни́ди в суд с рабо́м Твоим, я́ко не оправди́тся пред Тобою́ всяк живы́й. Я́ко погна́ враг ду́шу мою, смири́л ест в зе́млю живо́т мой, посади́л мя ест в те́мных, я́ко ме́ртвья ве́ка. И уны́ во мне дух мой, во мне смяте́ся се́рдце мое. Помяну́х дни дре́вния, поуча́хся во всех де́лех Твоих, в творе́ниях руку́ Твоею поуча́хся. Возде́х к Тебе́ ру́це мои, душа́ моя, я́ко земля́ безводная Тебе. Ско́ро услы́ши мя, Го́споди, исчезе́ дух мой, не отврати́ лица́ Твоего от Мене́, и уподо́блюся низходя́щим в ров. Слы́шану сотвори́ мне зау́тра ми́лость Твою, я́ко на Тя упова́х. Скажи́ мне, Го́споди, путь, во́ньже пойду́, я́ко к Тебе́ взях ду́шу мою. Изми́ мя от враг мои́х, Го́споди, к Тебе́ прибе́гох. Научи́ мя твори́ти во́лю Твою, я́ко Ты еси́ Бог мой. Дух Твой Благо́й наста́вит мя на зе́млю пра́ву. Имене́ Твоего ради, Го́споди, живи́ши мя, пра́вдою Твоею изведе́ши от печа́ли ду́шу мою. И ми́лостью Твоею потреби́ши враги́ моя и погуби́ши вся стужа́ющия души́ моей, я́ко аз раб Твой есмь.

Сла́ва в вы́шних Бо́гу, и на земли́ мир, в челове́цех благоволе́ние. Хва́лим Тя, благослови́м Тя, кла́няем Ти ся, славослови́м Тя, благодаримъ Тя, вели́кия ради сла́вы Твоея́. Го́споди Царю́ Небе́сный, Бо́же Отче Вседержи́телю, Го́споди Сы́не Единоро́дный Иису́се Христе́ и Святы́й Ду́ше. Го́споди Бо́же, Агнче Бо́жий, Сы́не Оте́чь, вземля́й грех ми́ра, поми́луй нас: вземля́й грехи́ ми́ра, приими́ моли́тву на́шу. Седя́й одесну́ю Отца́, поми́луй нас. Я́ко Ты еси́ еди́н Свят, Ты еси́ еди́н Го́сподь, Иису́с Христо́с, в сла́ву Бо́га Отца́. Ами́нь.

На всяку́ но́щь благословлю́ Тя, и восхва́лю и́мя Твое́ во ве́ки и в век ве́ка.

Го́споди, прибе́жище был еси́ нам в род и род. Аз рех: Го́споди, поми́луй мя, исцели́ ду́шу мою, я́ко согреши́х Тебе́. Го́споди, к Тебе́ прибе́гох, научи́ мя твори́ти во́лю Твою, я́ко Ты еси́ Бог мой: я́ко у тебе́ исто́чник живота́, во све́те Твое́м у́зрим свет. Проба́ви ми́лость Твою́ ве́дущим Тя.

Сподо́би, Го́споди, в но́щь сию, без греха́ сохра́ниться нам. Благослове́н еси́, Го́споди Бо́же оте́ц на́ших, и хва́льно и просла́влено и́мя Твое́ во ве́ки. Ами́нь.

Буди, Го́споди, ми́лость Твоя́ на нас, я́коже упова́хом на Тя. Благослове́н еси́, Го́споди, научи́ мя оправда́нием Твоимъ. Благослове́н еси́, Влады́ко, вразуми́ мя оправда́нием Твоимъ. Благослове́н еси́, Святы́й, просвети́ мя оправда́нии Твоими́.

Го́споди, ми́лость Твоя́ во век, дел руку́ Твоею́ не пре́зри. Тебе́ подоба́ет хвала́, Тебе́ подоба́ет пе́ние, Тебе́ сла́ва подоба́ет, Отцу́ и Сы́ну и Свято́му Ду́ху, ны́не и при́сно и во ве́ки веко́в. Ами́нь.

И поем трипеснец господина Андреа Критскаго, во глас 8.

Песнь 2.

Ирмос: *Вонми́, не́бо, и возглаго́лю, / и воспою́ Христа́, / от Дёвы рождшагося во спасёние на́ше.*

Припев: *Сла́ва Тебе́, Бо́же наш, сла́ва Тебе́.*

По́йдем со Христо́м к горе́ Елеёнстей, / та́йно со апо́столы соводворимся Ему́.

Припев: *Сла́ва Тебе́, Бо́же наш, сла́ва Тебе́.*

Разуме́й, смире́нное моё се́рдце, / что есть жерно́вная при́тча? / О не́йже пре́жде рече́ Христо́с, / и истрезви́ся проче́е.

Припев: *Сла́ва Тебе́, Бо́же наш, сла́ва Тебе́.*

Гото́ви сама́ себе́, о душе́ моя́, ко исхо́ду: / прише́ствие прибли́жается неумоли́мага Судии́.

Припев: *Пресвята́я Богоро́дице, спаси́ нас*

Пречи́стая Богоро́дице Де́во, еди́на всепе́тая, / Сы́на Твоего́ моли́ о рабе́х Твои́х.

Ин, глас тойже.

Ви́дите, ви́дите, / я́ко Аз есмь Бог, / дре́вле Изра́иля сквозе́ Чермное́ мо́ре проведы́й, / и пита́вый, и спасы́й, / и от го́рькия рабо́ты свободи́вый фарао́новы.

Припев: *Сла́ва Тебе́, Бо́же наш, сла́ва Тебе́.*

Ви́дите, ви́дите, я́ко Аз есмь Бог, / Иже пре́жде быти́я всех, / и пре́жде сотворе́ния земли́ и не́ба, вем вся, / и весь сый во Отце́, и всего́ ношу́ в Себе́.

Припев: *Сла́ва Тебе́, Бо́же наш, сла́ва Тебе́.*

Сло́вом соста́вих не́бо вку́пе и зе́млю, / со Отце́м бо бех, и сло́вом ношу́ вся, я́ко Сло́во, / му́дрость, и си́ла, и о́браз, и содействите́лен, и равноде́телен.

Припев: *Сла́ва Тебе́, Бо́же наш, сла́ва Тебе́.*

Кто времена́ положи́? / Кто ве́ки соблюда́яй? / Кто вся определя́яй и совоздвиза́яй? / Ра́зве Безнача́льный при́сно сый со Отце́м, / я́коже заря́ во све́те.

Припев: *Сла́ва Тебе́, Бо́же наш, сла́ва Тебе́.*

О безме́рнаго Твоего́ человеколю́бия Иису́се! / Сказа́л бо еси́ нам сконча́ния свы́ше вре́мя, / скрыв час, уясни́в же све́тло о́бразы его́.

Припев: *Сла́ва Тебе́, Бо́же наш, сла́ва Тебе́.*

Вся ве́си, вся зна́еши, Иису́се, / я́ко имéяй все в Себе́ Оте́ческое досто́яние Боже́ственне, / и всего́ Ду́ха всаждéна нося́й в себе́, соприсносу́щнаго Отцу́.

Припев: *Сла́ва Тебе́, Бо́же наш, сла́ва Тебе́.*

Влады́ко Го́споди, веко́в творче, / сподоби́ и нас свяще́нный о́ный тогда́ глас услы́шати, / зову́щий избра́нныя Отца́ в Ца́рство Небе́сное.

Сла́ва Отцу́ и Сы́ну и Свято́му Ду́ху.

Безнача́льная, несозда́нная Трои́це, / неразде́льная Еди́нице, трёе су́щая и еди́но, / Отче, Сы́не и Ду́ше, еди́ный Бо́же, / прими́ пéние от брénных язы́к, / я́коже от уст пла́менных.

И ны́не и прѣсно и во ве́ки веко́в. Ами́нь.

Богородичен: Селѣние свято́е яви́лася еси́ Дѣво, Бо́жие, / в Тя бо Небѣсный Царь всели́вся плѣтию, прѣйде крас́ный, / челове́ка в Себе́ вообрази́в Божѣственне.

Ирмос: *Ви́дите, ви́дите, / яко́ Аз есмь Бог, / дрѣвле Изра́иля сквозѣ Чермное́ мо́ре проведы́й, / и пита́вый, и спасы́й, / и от го́рькия рабо́ты свободи́вый фарао́новы.*

Го́споди, поми́луй. *(Трижды.)*

Седален, глас 2.

Подобен: Милосѣрдия сущи:

Милосѣрдием двѣжимь, Христѣ́, / во́лею преды́деши страда́ти благоде́телю, / хотя́й страсте́й нас изба́вити, и е́же во а́де осужде́ния. / Те́мже честна́я Твоя́ воспева́ем страда́ния, / и сла́вим, Спа́се, кра́йнее Твое́ вси схожде́ние.

Песнь 8.

Ирмос: Ангели и небеса́, / на престо́ле сла́вы сѣдящаго / и яко́ Бо́га непреста́нно сла́вимаго, / благослови́те, по́йте / и превозноси́те Его́ во ве́ки.

Припев: *Сла́ва Тебе́, Бо́же наш, сла́ва Тебе́.*

Вся́ко слы́шала еси́, душе́, / како́ Христос́ Божѣственным учени́ком Свои́м провозглаша́ше, глаго́ля сконча́ние, / разумѣ́вши же Твой ко́неч, угото́вися прѣ́чее, / вре́мя исхо́да при́де.

Припев: *Сла́ва Тебе́, Бо́же наш, сла́ва Тебе́.*

Позна́ла еси́, непло́дная душе́, лука́ваго раба́ прѣтчу, / бо́йся и не небрези́ о дарова́нии, егѣ́же прия́ла еси́, / да не сокры́еши в зе́млю, но да ку́плю де́еши.

Припев: *Сла́ва Тебе́, Бо́же наш, сла́ва Тебе́.*

Да уясни́тся свеща́, да преизли́ется сея́ и еле́й, / яко́же де́вам тогда́ сострада́ние, / да обря́щеши, душе́ моя́, черто́г Христос́в тогда́ отвѣ́рстый.

Припев: *Сла́ва Тебе́, Бо́же наш, сла́ва Тебе́.*

В суббо́ту бе́гство и в зимѣ́, глаго́ля Учи́тель, / седма́го бу́рю предга́дательствует насто́ящаго ве́ка, / в не́мже най́дет, яко́ зима́, кончи́на.

Припев: *Сла́ва Тебе́, Бо́же наш, сла́ва Тебе́.*

Яко́ ско́рость мо́лнии преходя́щая, / тако́ тогда́ бу́дет стра́шное о́ное Влады́ки твоего́ прише́ствие, душе́ моя́, / слы́шала еси́, гото́ва прѣ́чее бы́ти потщи́ся.

Припев: *Сла́ва Тебе́, Бо́же наш, сла́ва Тебе́.*

Егда́ при́дет Судия́ / с ты́сящами, и тьма́ми а́нгельских чино́в и сил, / тогда́ кий страх, душе́ моя́, / кий трѣ́пет, увы́ мне! / Наги́м стоя́щим всем.

Благослови́м Отца́ и Сы́на и Свята́го Ду́ха, Го́спода.

Един Бог у́бо Трѣ́ица, / ни Отцу́ изступѣ́вшу в сыновство́, / ниже́ Сы́ну пременя́вшуся во исхожде́ние, / но сво́йственная, и обо́е Свет, Бо́га, Три сла́влю во ве́ки.

И ны́не и прѣсно и во ве́ки веко́в. Ами́нь.

Богородичен: Моли́твами, Бо́же, Богоро́дицы, прими́ моли́тву на́шу, / возниспосли́ же ми́лости Твоя́ на вся богáтно, / и мир Твой пода́ждь лю́дем Твои́м.

Хва́лим, благослови́м, покланя́емся Го́сподеви, пою́ще и превозно́сяще во вся ве́ки.

Ирмос: *Ангели и небеса́, / на престόле сла́вы сидя́щего / и я́ко Бо́га непреста́нно сла́вимаго, / благослови́те, по́йте / и превозноси́те Егó во ве́ки.*

Песнь 9.

Ирмос: *Проявле́нное на горе́ законополо́жнику во огни́ и купинé, / Рожде́ство Присноде́вы, / в на́ше ве́рных спасéние, / пéсньми немóлчными велича́ем. (Дважды)*

Припев: *Сла́ва Тебе́, Бо́же наш, сла́ва Тебе́.*

Слы́шала еси́, душе́ моя́, / Судии́ предвозглаша́юще, и уча́щу ты вре́мене кончи́ны, / гото́ви я́же на исхо́д дела́, / да не я́ко неиску́сна, Бо́га отве́ржена бу́деши.

Припев: *Сла́ва Тебе́, Бо́же наш, сла́ва Тебе́.*

От смоко́вницы, о душе́ моя́, научи́ся кончи́ны! / Егда́ мла́до бу́дет ли́ствие, и прозя́бнет ве́твие, жа́твы час про́чее, / и ты егда́ сия́ увидиши, разуме́й, я́ко при двéрех е́сть.

Припев: *Сла́ва Тебе́, Бо́же наш, сла́ва Тебе́.*

Кто ра́зве Тебе́ ины́й Твоего́ знаéт Отца́? / Или́ кто кроме́ Тебе́ весть час, или́ день? / У Тебе́ бо сокрови́ща премудро́сти вся внутре́ суть, Христе́ Бо́же.

Припев: *Сла́ва Тебе́, Бо́же наш, сла́ва Тебе́.*

Кни́ги у́бо разгнуты́ тогда́, престόлом поста́вленным, / дея́ния же облича́тся, наги́м стоя́щим всем, / ни свиде́телем, ни клеветником́ прису́тствующим, / обнаже́на бо вся Бо́гу.

Припев: *Сла́ва Тебе́, Бо́же наш, сла́ва Тебе́.*

Грядéт всех Судия́, изведе́н бы́ти на суд, / на престόле херувимсте́ сидя́й, я́ко повинны́й предста́ти Пила́ту, / и вся пострада́ти, да спасéтся Ада́м.

Припев: *Сла́ва Тебе́, Бо́же наш, сла́ва Тебе́.*

Прибли́жися Па́сха нам вели́кая и Божéственная, / по двою́ бо дни́ю преднауча́ет Христо́с, / страда́ния пропису́я день, / во́ньже Отцу́ же́ртва приведе́тся.

Припев: *Сла́ва Тебе́, Бо́же наш, сла́ва Тебе́.*

При Крестé Твое́м, Спа́се, предстоя́щи Ма́ти, / и Твое́ непра́ведное зря́щи заколе́ние, вопия́ше: / увы́ Мне, Ча́до Моé! Увы́ Мне, незаходи́мый све́те! / Просия́й всем, Со́лнце сла́вы, свет.

Сла́ва Отцу́ и Сы́ну и Свято́му Ду́ху.

О еди́нице Свята́я, / Трои́це еди́но Божество́, и Трои́ца Еди́нице Бо́же, / триипоста́сное Естество́, еди́ночестная, и неразде́льная сла́во, / изба́ви от бед ду́ши на́ша!

И ны́не и при́сно и во ве́ки веко́в. Ами́нь.

Богородичен: *Приими́ Ма́терь Твою́, Христе́, в моли́тву, / да моли́твами Ея́ умири́ши мир, / и утверди́ши ца́рствия ски́птры, / и Це́ркви Твоя́ совокупи́ши во еди́но.*

И паки вместо, Достойно, ирмос 9-я песни:

Ирмос: Проявленное на горé законополо́жнику во огни́ и купинé рождество́ Присноде́вы, в на́ше ве́рных спасе́ние, пе́сньми немóлчными велича́ем.

И поклон до земли.

Чтец: Святы́й Бо́же, Святы́й Кре́пкий, Святы́й Безсме́ртный, поми́луй нас.

(Трижды.)

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.

Пресвята́я Трѳице, поми́луй нас; Го́споди, очисти́ грехи́ на́ша; Влады́ко, прости́ беззако́ния на́ша; Святы́й, посети́ и исцели́ немо́щи на́ша, имене́ Твоего́ ради.

Го́споди, поми́луй. **(Трижды.)**

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.

Отче наш, Иже еси́ на небесе́х! Да святѳтся и́мя Твое́, да приѳдет Ца́рствие Твое́, да бу́дет во́ля Твоя́, я́ко на небеси́ и на земли́. Хлеб наш насущный даждь нам днесь; и оста́ви нам до́лги на́ша, я́коже и мы оставля́ем должникомó на́шим; и не введи́ нас во искуше́ние, но изба́ви нас от лука́ваго.

Священник: Я́ко Твое́ есть Ца́рство и си́ла и сла́ва, Отца́ и Сы́на и Свята́го Ду́ха, ны́не и при́сно и во ве́ки веко́в.

Чтец: Ами́нь.

Таже кондак Великаго Вторника, глас 2.

Подобен: Вы́шних ищѳ:

Ча́с, душе́, конца́ помы́сливши, / и посече́ния смоко́вницы убо́явшись, / да́нный тебе́ тала́нт трудолю́бно де́лай, ока́янная, / бо́дрствующи́ и зову́щи: / да не пребу́дем вне черто́га Христо́ва.

Тропарь велегласно и косно, во глас 6:

Лик: Го́споди сил, с на́ми бу́ди, ино́го бо ра́зве Тебе́ помо́щника в ско́рбех не и́мамы: Го́споди сил, поми́луй нас.

Го́споди сил, с на́ми бу́ди, ино́го бо ра́зве Тебе́ помо́щника в ско́рбех не и́мамы: Го́споди сил, поми́луй нас.

Стих: Хвали́те Бо́га во святы́х Его́, хвали́те Его́ во утверже́нии си́лы Его́.

Го́споди сил, с на́ми бу́ди, ино́го бо ра́зве Тебе́ помо́щника в ско́рбех не и́мамы: Го́споди сил, поми́луй нас.

Стих: Хвали́те Его́ на си́лах Его́, хвали́те Его́ по мно́жеству вели́чества́ Его́.

Го́споди сил, с на́ми бу́ди, ино́го бо ра́зве Тебе́ помо́щника в ско́рбех не и́мамы: Го́споди сил, поми́луй нас.

Стих: Хвали́те Его́ во гла́се тру́бнем, хвали́те Его́ во псалти́ри и гу́слех.

Го́споди сил, с на́ми бу́ди, ино́го бо ра́зве Тебе́ помо́щника в ско́рбех не и́мамы: Го́споди сил, поми́луй нас.

Стих: Хвали́те Его́ в тимпа́не и ли́це, хвали́те Его́ во стру́нах и орга́не.

Господи сил, с нами буди, ино́го бо развѣ Тебѣ помощника в скорбех не имамы:
Господи сил, помилуй нас.

**Стих: Хвалите Его в кимвалех доброгласных, хвалите Его в кимвалех
восклицания: всякое дыханіе да хвалит Господа.**

Господи сил, с нами буди, ино́го бо развѣ Тебѣ помощника в скорбех не имамы:
Господи сил, помилуй нас.

Таже оба лика сошедшея вкупе поют:

Хвалите Бога во святых Его, хвалите Его во утвержении силы Его.

Господи сил, с нами буди, ино́го бо развѣ Тебѣ помощника в скорбех не имамы:
Господи сил, помилуй нас.

Слава Отцу и Сыну и Святому Духу.

Господи, аще не быхом святых Твоя имѣли молитвенники, и благостыню
Твою, милующую нас, како смѣли быхом, Спасе, пѣти Тя, Егѡже славословят
непрестанно Ангели? Сердцевѣдче, пощади души наша.

И ныне и присно и во веки веков. Аминь.

Многая множества моих, Богородице, прегрешений, к Тебѣ прибегах, Чистая,
спасения требую: посети немощствующую мою душу, и моли Сына Твоего, и
Бога нашего, дати ми оставление, яже содеях лютых, еди́на Благословенная.

Всесвятая Богородице, во время живота моего не остави мене, человеческому
предстательству не ввери мя: но Самая заступи и помилуй мя.

Все упование мое на Тя возлагаю, Мати Божия, сохрани мя под кровом Твоим.

Чтец: Господи, помилуй. (40 раз.)

Иже на всякое время и на всякий час, на небеси и на земли покланяемый и
славимый Христѣ Бѡже, долготерпеливе, многомилостиве, многоблагодарне,
Иже праведныя любяй и грешныя милуяй, Иже вся зовый ко спасению
обещания ради будущих благ. Сам, Господи, прими и наша в час сей молитвы,
и исправи живот наш к заповедем Твоим: души наша освяти, телеса очисти,
помышления исправи, мысли очисти и избави нас от всякия скорби, зол и
болѣзней. Оградѣ нас святыми Твоими Ангелы, да ополчением их соблюдаеми
и наставляеми, достигнем в соединение веры, и в разум неприступныя Твоея
славы: яко благословен еси во веки веков. Аминь.

Господи, помилуй. (Трижды.)

**Слава Отцу и Сыну и Святому Духу, и ныне и присно и во веки веков.
Аминь.**

Честнейшую Херувим и славнейшую без сравнения Серафим, без истления
Бога Слова рождшую, сущую Богородицу Тя величаем.

Именем Господним благослови, отче.

Священник: Бѡже, ущѣдри ны и благослови ны, просветѣ лице Твое на ны и помилуй ны.

Чтец: Аминь.

Молитва святого Ефрема:

**Священник: Господи и Владыко живота моего, дух праздности, уныния, любоначалия и празднословия
не даждь ми. (Поклон великий.)**

**Священник: Дух же целомудрия, смиренномудрия, терпения и любве даруй ми, рабу Твоему. (Поклон
великий.)**

Священник: **Ей** Гóсподи Царю, дáруй ми зрѣти моя прегрешѣния и не осуждáти брáта моего, я́ко благословѣн еси во вѣки векóв. Амíнь. *(Поклон великий.)*

Таже малых 12, глаголюще в себе на кийждо поклон:

Бóже, очисти мя, грѣшнаго.

И паки: Гóсподи и Влады́ко животá моего, дух прáздности, уны́ния, любоначáлия и прáзднослóвия не даждь ми.

Дух же целомудрия, смиренномудрия, терпѣния и любвѣ дáруй ми, рабú Твоему́.

Ей Гóсподи Царю, дáруй ми зрѣти моя прегрешѣния и не осуждáти брáта моего, я́ко благословѣн еси во вѣки векóв. *(И поклон един великий.)*

Чтец: Амíнь.

Святый Бóже, Святый Крѣпкий, Святый Безсмѣртный, помилуй нас. *(Трижды.)*

Слáва Отцú и Сы́ну и Свято́му Дúху, и ны́не и прísно и во вѣки векóв. Амíнь.

Пресвятáя Трóице, помилуй нас; Гóсподи, очисти грехи́ нáша; Влады́ко, прости́ беззакóнныя нáша; Святый, посети́ и исцели́ немо́щи нáша, и́мене Твоего́ ради.

Гóсподи, помилуй. *(Трижды.)*

Слáва Отцú и Сы́ну и Свято́му Дúху, и ны́не и прísно и во вѣки векóв. Амíнь.

Отче наш, Иже еси́ на небесéх! Да святит́ся и́мя Твое́, да приидет Цáрствие Твое́, да бúдет во́ля Твоя́, я́ко на небеси́ и на земли́. Хлеб наш насущный даждь нам днесь; и остави́ нам дóлги нáша, я́коже и мы оставляем должникóм нáшим; и не введи́ нас во искушѣние, но избáви нас от лука́ваго.

Священник: Я́ко Твое́ есть Цáрство и сила́ и слáва, Отцá и Сы́на и Свята́го Дúха, ны́не и прísно и во вѣки векóв.

Чтец: Амíнь.

Гóсподи, помилуй. *(12 раз.)*

Молитва:

Несквѣрная, Неблáзная, Нетлѣнная, Пречы́стая, Чы́стая Дѣво, Богоневѣсто Влады́чице, я́же Бóга Сло́ва человеком преслáвным Твоимъ рождествомъ соединившая, и отри́нувшееся естество́ рóда нáшего небеснымъ совокупльшая, я́же ненаде́жных еди́на наде́жда и боримыхъ пóмоще, гото́вое заступлѣние к Тебѣ притека́ющих, и всехъ христиáн прибѣжище: не гнушáйся мене́ грѣшнаго, сквѣрнаго, сквѣрными пóмысли, и словесы́, и дея́ньми всего́ себе́ непотрѣбна сотворша, и рáзумомъ лѣности сластѣй жити́я раба́ бывша. Но я́ко человеколюбиваго Бóга Мáти, человеколюбне умилосѣрдися о мене́ грѣшнемъ и блúднемъ, и приими́ мое́ е́же от сквѣрныхъ устѣн приносимое Тебѣ молѣние, и Твоего́ Сы́на, и нáшего Влады́ку и Гóспода, мáтернее Твое́ дерзновѣние употребляющи, моли́, да отвѣрзет и мене́ человеколюбныя утробы Своея́ блáгости, и презрѣв моя́ безчýсленная прегрешѣния, обратит́ мя к покая́нию, и Своихъ за́поведей дѣлателя иску́сна явит́ мя. И предста́ни мене́ прísно, я́ко милостивая и милосѣрдая, и благолюбивая, в настоящемъ úбо житии́ тѣплая Предста́тельница и Помóщница, сопротивныхъ нашѣствия отгоняющи, и ко спасѣнию наставляющи мя: и во время́ исхо́да моего́ окаянную мою́ дúшу соблюдающи, и тѣмныя зра́ки лука́выхъ бесóв далѣче от нея́ отгоняющи, в

страшный же день судá вѣчныя мя избавляющы мѹки, и неизречѣнныя слáвы Твоегó Сына и Бóга нашего, наследника мя показующы. Юже и да улучѹ, Владычице моя, Пресвятáя Богородице, Твоим ходáтайством и заступлѣнием, благодáтию и человеколюбіем Единорóднаго Сына Твоегó, Гóспода и Бóга и Спáса нашего Иисѹса Христа: Емѹже подобáет всякая слáва, чѣсть и поклонѣние, со Безначáльным Его Отцѣм и Пресвятým и Благým и Животворящим Его Дѹхом, ныне и присно и во вѣки веков. Амѣнь.

Молитва ко Господу нашему Иисусу Христу, Антиоха монаха Пандѣкта:

И даждь нам, Владыко, на сон грядѹщим, покой тѣла и душѣ: и сохрани нас от мрачнаго сна грехóвнаго, и от всякаго тѣмнаго и ноцнаго сладострастия, укроти стремлѣния страстѣй, угаси разжжѣнныя стрѣлы лукаваго, яже на ны льстѣвно двѣжимыя. Плóти наша востáния утоли, и всякое земное и вещѣственное наше мудровáние успи, и даруй нам, Бóже, бодр ум, целомѹдр пóмысл, сѣрдце трезвящееся, сон легóк, и всякаго сатанина мечтáния изменѣн. Возстáви же нас во время молѣтвы утверждѣны в заповедех Твоѣих, и память судѣб Твоѣих в себѣ твѣрду имѹща: всенóщное славослóвие нам даруй, во еже пѣти, и благословѣти, и слáвити пречестное и великолѣпое имя Твое, Отца и Сына и Святаго Дѹха, ныне и присно и во вѣки веков. Амѣнь.

Преслáвная Приснодѣво, Мáти Христа Бóга, принеси нашу молѣтву Сыну Твоему и Бóгу нашему, да спасѣт Тобóю души наша.

Молитва иная, святаго Иоанникия:

Уповáние мое Отец, прибежище мое Сын, покров мой Дух Святы́й, Трóице Свята́я, слáва Тебѣ.

Священник: Слава Тебѣ, Христѣ Бóже, Уповáние наше, слава Тебѣ.

Лик: Слава Отцѹ и Сыну и Свято́му Дѹху, и ныне и присно и во вѣки веков. Амѣнь.

Гóсподи, помѣлуй. (Трижды.)

Благослови́.

И нам на землю приклоншимся, священник глаголет молитву:

Священник: Владыко Многомѣлостиве, Гóсподи Иисѹсе Христѣ, Бóже наш, молѣтвами Всепречѣстныя Владычицы наша Богородицы и Приснодѣвы Марѣи, сілою Честнаго и Животворящаго Крестá, предстáтельствы честных небѣсных сил безплóтных, честнаго слáвнаго Пророка, Предтечи и Крестителя Иоáнна, святых слáвных и всехвáльных апóстол, святых слáвных и добропобѣдных мѹчеников, преподóбных и богоно́сных отец наших, святых и праведных Богоотец Иоакима и Анны, и всех Твоѣих святых, благоприятну сотвори молѣтву нашу, даруй нам оставлѣние прегрешѣний наших, покрый нас кровом крилѹ Твоею, отжени от нас всякаго врага и супостáта, умири нашу жизнь, Гóсподи, помѣлуй нас, и мир Твой, и спаси души наша, яко Благ и Человеколюбец.

По молитве же нам воставшим, глаголет священник:

Священник: Благословѣте, отцы святѣи, простите ми грѣшному, елика согрѣших слóвом, дѣлом, помышлѣнием и всѣми мойми чѹвствы.

И отвѣщают людие:

Люди: Бог простѣт ти, óтче святы́й.

Священник же глаголет ектению:

Священник: Помóлимся о Великом Господíне и отцѣ нашем Святейшем Патриárхе (имя) и о Господíне нашем Преосвященнейшем епископе (или: архиепископе, или: митрополите, имя, егоже есть область).

Лик: Гóсподи, помíлуй.

Священник: О Богохранимей странé нашей, властѣх и во́инстве ея.

Лик: Гóсподи, помíлуй.

Священник: О ненавидящих и любящих нас.

Лик: Гóсподи, помíлуй.

Священник: О милующих и служащих нам.

Лик: Гóсподи, помíлуй.

Священник: О заповѣдавших нам, недостóйным, молíтися о них.

Лик: Гóсподи, помíлуй.

Священник: О избавлѣнии пленѣнных.

Лик: Гóсподи, помíлуй.

Священник: О отшѣдших отцѣх и брáтиях наших.

Лик: Гóсподи, помíлуй.

Священник: О в мóри плавающих.

Лик: Гóсподи, помíлуй.

Священник: О в нѣмоцех лежащих.

Лик: Гóсподи, помíлуй.

Священник: Помóлимся и о избóилии плодóв земных.

Лик: Гóсподи, помíлуй.

Священник: И о всякой души христиáн правослáвных.

Лик: Гóсподи, помíлуй.

Священник: Ублажím правослáвныя архиере́и и ктíторы свята́го хра́ма сегó.

Лик: Гóсподи, помíлуй.

Священник: Родíтели наша, и вся прѣжде отшѣдшия отцы́ и брáтию нашу, zde лежáщия и повсюду, правослáвныя.

Лик: Гóсподи, помíлуй.

Священник: Рцѣм и о себѣ самѣх.

Лик: Гóсподи, помíлуй. *(Трижды.)*

Священник: Молíтвами святых́ отѣц наших, Гóсподи Иису́се Христѣ, Бóже наш, помíлуй нас.

Лик: Амíнь.

Последование утрени в Великий Вторник

Священник: Благословѣн Бог наш всегда, ны́не и прíсно и во вѣки веко́в.

Чтец: Амíнь.

Святый Бóже, Святый Крѣпкий, Святый Безсмѣртный, помилуй нас. *(Трижды.)*

Сла́ва Отцú и Сы́ну и Свято́му Дúху, и ны́не и прíсно и во вѣки веко́в. Амíнь.

Пресвятáя Трóице, помилуй нас; Гóсподи, очíсти грехи́ наша; Владыко, прости́ беззакóнныя наша; Святый, посети́ и исцели́ нѣмо́щи наша, íмене Твоего́ ради.

Гóсподи, помíлуй. *(Трижды.)*

Сла́ва Отцú и Сы́ну и Свято́му Дúху, и ны́не и прíсно и во вѣки веко́в. Амíнь.

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила и слава, Отца и Сына и Святаго Духа, ныне и присно и во веки веков.

Чтец: Аминь.

Господи, помилуй. *(12 раз.)*

Слава Отцу и Сыну и Святому Духу, и ныне и присно и во веки веков. Аминь.

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалмы 19 и 20.

Услышит тя Господь в день печали, защитит тя имя Бога Иаковля. Послет ти помощь от Святаго и от Сиона заступит тя. Помянет всяку жертву твою, и всесожжение твое тушно буди. Даст ти Господь по сердцу твоему и весь совет твой исполнит. Возрадуемся о спасении твоем и во имя Господа Бога нашего возвеличимся. Исполнит Господь вся прошения твоя. Ныне познах, яко спасе Господь христа Своего, услышит его с небес святаго Своего, в силах спасение десницы его. Сии на колесницах, и сии на конех, мы же во имя Господа Бога нашего призовем. Тии спяти быша и падоша, мы же востахом и исправихомся. Господи, спаси царя и услыши ны, вонже аще день призовем Тя.

Господи, силою Твоею возвеселится царь и о спасении Твоем возрадуется зело. Желание сердца его дал еси ему, и хотения устну его неси лишил его. Яко предварил еси его благословением благостынным, положил еси на главе его венец от камене честна. Живота просил есть у тебе, и дал еси ему долготу дней во век века. Велия слава его спасением Твоим, славу и велелепие возложиши на него. Яко да си ему благословение во век века, возвеселиши его радостию с лицем Твоим. Яко царь уповает на Господа, и милостию Вышняго не подвижится. Да обрящется рука Твоя всем врагом Твоим, десница Твоя да обрящет вся ненавидящая Тебе. Яко положиши их яко пещь огненную во время лица Твоего, Господь гневом Своим смятет я, и снет их огонь. Плод их от земли погубиши, и семя их от сынов человеческих. Яко уклониша на Тя злая, помыслиша советы, ихже не возмогут составить. Яко положиши я хребет, во избытцех Твоих уготовиши лице их. Вознесися, Господи, силою Твоею, воспоем и поем силы Твоя.

Слава Отцу и Сыну и Святому Духу, и ныне и присно и во веки веков. Аминь.

Святой Боже, Святой Крепкий, Святой Безсмертный, помилуй нас. *(Трижды.)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. *(Трижды.)*

Слава Отцу и Сыну и Святому Духу, и ныне и присно и во веки веков. **А**минь.

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила и слава, Отца и Сына и Святаго Духа, ныне и присно и во веки веков.

Чтец: Аминь.

И тропари сия:

Спаси, Господи, люди Твоя, и благослови достояние Твое, победы на сопротивныя даруя, и Твое сохраняя Крестом Твоим жительство.

Слава Отцу и Сыну и Святому Духу.

Вознеси́ся на Крест волею, тезоименитому Твоему новому жителю щедроты Твоя даруй, Христе́ Бже: возвесели́ нас силою Твоею, победы да́я нам на сопостаты, пособи́е имущим Твое ору́жие мира, непобедимую победу.

И ныне и присно и во веки веков. Аминь.

Предстательство страшное и непостыдное, не презри, Благая, молитв наших, Всепетая Богородице, утверди православных жительство, спаси верныя люди Твоя и подаждь им с небесе победу, зане родила еси́ Бога, еди́на Благословенная.

Священник: Помилуй нас, Бже, по велицей милости Твоей, молим Ти ся, услыши и помилуй.

Лик: Господи, помилуй. *(Трижды.)*

Еще молимся о Великом Господине и отце нашем Святейшем Патриархе (имя) и о Господине нашем Преосвященнейшем епископе (или: архиепископе, или: митрополите, имя, егоже есть область), и о всей во Христе братии нашей.

Лик: Господи, помилуй. *(Трижды.)*

Еще молимся о Богохранимем стране нашей, властех и воинстве ея, да тихое и безмолвное житие поживем во всяком благочестии и чистоте.

Лик: Господи, помилуй. *(Трижды.)*

Еще молимся за всю братию и за вся христианы.

Лик: Господи, помилуй. *(Трижды.)*

Священник: Яко милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь.

Именем Господним благослови, отче.

Священник: Слава Святей и Единосущней и Животворящей и Нераздельней Троице всегда, ныне и присно и во веки веков.

Лик: Аминь.

Шестопсалмие:

Чтец глаголет шестопсалмие (псалмы 3, 37, 62, 87, 102, 142).

Слава в вышних Богу, и на земли мир, в человецех благоволение. *(Трижды.)*

Господи, устне мои отверзеш, и уста моя возвестят хвалу Твою. *(Дважды.)*

Господи, что ся умножиша стужающие ми? Мнози востают на мя, мнози глаголют души моей: несть спасения ему в Бозе его. Ты же, Господи, Заступник мой еси, слава моя и возносяй главу мою. Гласом моим ко Господу возвах, и услыша мя от горы святыя Своея. Аз уснух, и спях, востах, яко Господь заступит мя. Не боюсь от тем людей, окрест нападающих на мя. Воскресни, Господи, спаси мя, Боже мой, яко Ты порази еси вся враждующия ми все: зубы грешников сокрушил еси. Господне есть спасение, и на людех Твоих благословение Твое.

Аз уснух, и спях, востах, яко Господь заступит мя.

Господи, да не яростию Твоею обличиши мене, ниже гневом Твоим накажеш мене. Яко стрелы Твоя унзоша во мне, и утвердил еси на мне руку Твою. Несть исцеления в плоти моей от лица гнева Твоего, несть мира в костех моих от лица грех моих. Яко беззакония моя превзыдоша главу мою, яко бремя тяжкое отяготеша на мне. Возмердеша и согниша раны моя от лица безумия моего. Пострадах и слякохся до конца, весь день сетуя хождах. Яко лядвия моя наполнися поруганий, и несть исцеления в плоти моей. Озлоблен бых и смирихся до зела, рыках от въздыхания сердца моего. Господи, пред Тобою все желание мое, и въздыхание мое от Тебе не утайся. Сердце мое смятеса, остави мя сила моя, и свет очию моею, и той несть со мною. Друзи мои и искренни мои прямо мне приближишася и сташа, и ближнии мои отдалече мене сташа, и нуждахуся ищущи душу мою, и ищущи злая мне глаголаху суетная и льстивным весь день поучахуся. Аз же яко глух не слышах и яко нем не отверзаяй уст своих. И бых яко человек не слышай и не имый во устех своих обличения. Яко на Тя, Господи, уповах, Ты услышиши, Господи Боже мой. Яко рех: да не когда порадуют ми ся врази мои: и вегда подвижатися ногам моим, на мя велеречеваша. Яко аз на раны готов, и болезнь моя предо мною есть выну. Яко беззаконие мое аз возвещу и попекуся о гресе моем. Врази же мои живут и укрепятся паче мене, и умножишася ненавидящии мя без правды. Воздающим ми злая воз благая оболгаху мя, зане гонях благостыню. Не остави мене, Господи Боже мой, не отступи от Мене. Вонми в помощь мою, Господи спасения моего.

Нe остави мене, Господи Боже мой, не отступи от Мене. Вонми в помощь мою, Господи спасения моего.

Боже, Боже мой, к Тебе утреню, возжада Тебе душа моя, коль множицею Тебе плоть моя, в земли пусте и непроходне, и безводне. Тако во святем явихся Тебе, видети силу Твою и славу Твою. Яко лучши милость Твоя паче живот, устне мои похвалят Тя. Тако благословлю Тя в животе моем, о имени Твоем воздежу рuce мои. Яко от тука и масти да исполнится душа моя, и устнама радости восхвалят Тя уста моя. Аще поминах Тя на постели моей, на утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя. Тии же все искаша душу мою, внидут в преисподняя земли, предадутся в руки оружия, части лисовом будут Царь же возвеселится о Бозе, похвалится всяк кленыйся Им, яко заградишася уста глаголющих неправедная.

На ўтренних поучахся в Тя, яко был еси Помощник мой, и в крове крилу Твоею возрадуюся.

Прильпе душа моя по Тебе, мене же прият десница Твоя.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе, Боже. (Трижды.)

Господи, помилуй. (Трижды.)

Слава Отцу и Сыну и Святому Духу, и ныне и присно и во веки веков. Аминь.

И исходит священник от алтаря и глаголет молитвы утренния тайно, пред святыми дверьми.

Господи Боже спасения моего, во дни возвах, и в ночи пред Тобю. Да внидет пред Тя молитва моя: приклони ухо Твое к молению моему, яко исполнися зол душа моя, и живот мой аду приближися. Привменен бых с низходящими в ров, бых яко человек без помощи, в мертвых свободь, яко язвеннии спящии во гробе, ихже не помянул еси ктому, и ти от руки Твоей отриновени быша. Положиша мя в рове преисподнем, в темных и сени смертней. На мне утвердися ярость Твоя, и вся волны Твоя навел еси на мя. Удалил еси знаемых моих от Мене, положиша мя мерзость себе: предан бых и не исхождах. Очи мои изнемогосте от нищеты, возвах к Тебе, Господи, весь день, вздох к Тебе рuce мои. Еда мертвыми твориши чудеса? Или врачеве воскресят, и исповедятся Тебе? Еда повесть кто во гробе милость Твою, и истину Твою в погибели? Еда познана будут во тьме чудеса Твоя, и правда Твоя в земли забвенней? И аз к Тебе, Господи, возвах, и утро молитва моя предварит Тя. Вскую, Господи, отрещи душу мою, отвращаеши лице Твое от Мене? Нищ есмь аз, и в трудех от юности моя; вознес же ся, смирихся, и изнемогах. На мне преидоша гневи Твои, устрашения Твоя возмутisha мя, обыдоша мя яко вода, весь день одержаша мя вкупе. Удалил еси от Мене друга и искренняго, и знаемых моих от страстей.

Господи Боже спасения моего, во дни возвах, и в ночи пред Тобю.

Да внидет пред Тя молитва моя: приклони ухо Твое к молению моему.

Благослови, душе моя, Господа, и вся внутренняя моя имя святое Его. Благослови, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от исления живот твой, венчающего тя милостию и щедротами, исполняющего во благих желание твое: обновится яко орля юность твоя. Твори милостины Господь, и судьбу всем обидимым. Сказа пути Своя Моисеови, сыновом израилевом хотения Своя. Щедр и милостив Господь, долготерпелив и многомилостив. Не до конца прогневается, ниже в век враждует, не по беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят востоцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет. Яко дух пройдет в нем, и не будет, и не познает ктому

мѣста своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на небеси уготова престол Свой, и Царство Его всеми обладает. Благословите Господа вси Ангели Его, сильнии крепостию, творящии слово Его, услышати глас словес Его. Благословите Господа вся силы Его, слуги Его, творящии волю Его. Благословите Господа вся дела Его. На всяком месте владычества Его, благослови душе моя Господа.

На всяком месте владычества Его, благослови душе моя Господа.

Господи, услыши молитву мою, внуши моление мое во истине Твоей, услыши мя в правде Твоей: и не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвыя века. И уны во мне дух мой, во мне смятеся сердце мое. Помянух дни древния, поучихся во всех делех Твоих, в творениих руку Твоею поучахся. Воздох к Тебе руке мои, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от Мене, и уподоблюся низходящим в ров. Слышану сотвори мне заутра милость Твою, яко на Тя уповах. Скажи мне, Господи, путь, вонже пойду, яко к Тебе взял душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающия души моей, яко аз раб Твой есмь.

Услыши мя, Господи, в правде Твоей и не вниди в суд с рабом Твоим.

Услыши мя, Господи, в правде Твоей и не вниди в суд с рабом Твоим.

Дух Твой Благий наставит мя на землю праву.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе, Боже. (Трижды.)

По шестопсалми ектеня великая:

Ектеня великая:

Диакон: Мiром Господу помoлимся.

Лик: Господи, помилуй.

Диакон: О свышнем мире и спасении душ наших, Господу помoлимся.

Лик: Господи, помилуй.

Диакон: О мире всего мира, благостоянии Святых Божиих Церквей и соединении всех, Господу помoлимся.

Лик: Господи, помилуй.

Диакон: О святем храме сем и с верою, благоговением и страхом Божиим входящих вонь, Господу помoлимся.

Лик: Господи, помилуй.

Диакон: О Великом Господине и отце нашем Святейшем Патриархе **(Имярек)** и о Господине нашем Преосвященнейшем епископе (или: архиепископе, или: митрополите, **(Имярек)** , егоже есть область), честнем пресвитерстве, во Христе диаконстве, о всем причте и людех, Господу помoлимся.

Лик: Господи, помилуй.

Диакон: О Богохранимей стране нашей, властех и вoинстве ея, Господу помoлимся.

Лик: Гóсподи, помíлуй.

Диакон: О граде сем, всяком граде, странé и véрою живу́щих в них, Гóсподу помóлимся.

Лик: Гóсподи, помíлуй.

Диакон: О благорастворéнии возду́хов, о избóилии плодóв земнѣх и врéменех мíрных, Гóсподу помóлимся.

Лик: Гóсподи, помíлуй.

Диакон: О пла́вающих, путеше́ствующих, недóгующих, стра́ждущих, пленéнных и о спасéнии их, Гóсподу помóлимся.

Лик: Гóсподи, помíлуй.

Диакон: О избáвиться нам от вся́кия скóрби, гнéва и нúжды, Гóсподу помóлимся.

Лик: Гóсподи, помíлуй.

Диакон: Заступí, спасí, помíлуй и сохрани́ нас, Бóже, Твоéю благода́тию.

Лик: Гóсподи, помíлуй.

Диакон: Пресвяту́ю, Пречи́стую, Преблагослове́нную, Сла́вную Влады́чицу нашу Богороди́цу и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

Лик: Тебе́, Гóсподи.

Священник: Яко́ подобáет Тебе́ вся́кая сла́ва, че́сть и поклонéние, Отцу́ и Сы́ну и Свято́му Ду́ху, ны́не и прíсно и во ве́ки веко́в.

Лик: Ами́нь.

И возглашает диакон, аще есть, или священник (по гласу Октоиха):

Глас 8:

Диакон: Аллилу́иа, аллилу́иа, аллилу́иа.

Стих 1: От но́щи у́тренюет дух мой к Тебе́, Бóже, занé свет повелéния Твоя́ на землѣ.

Лик: Аллилу́иа, аллилу́иа, аллилу́иа.

Стих 2: Пра́вде научи́тесь живу́щии на землѣ.

Лик: Аллилу́иа, аллилу́иа, аллилу́иа.

Стих 3: Зависть при́имет лю́ди ненака́занныя.

Лик: Аллилу́иа, аллилу́иа, аллилу́иа.

Стих 4: Приложи́ им зла, Гóсподи, приложи́ зла сла́вным землѣ.

Лик: Аллилу́иа, аллилу́иа, аллилу́иа.

Тропарь, глас 8:

Чтец: Се, Жени́х грядéт в полуно́щи, / и блаже́н раб, егóже обря́щет бдя́ща, / недостóин же па́ки, егóже обря́щет уныва́юща. / Блюди́ у́бо, душе́ моя, / не сном отяготи́ся, / да не сме́рти предана́ будеши, / и Ца́рствия вне затвори́шися, / но восприя́ни зову́щи: / Свят, Свят, Свят еси́, Бóже, Богороди́цею помíлуй нас.

С ла́ва Отцу́ и Сы́ну и Свято́му Ду́ху.

Чтец: Се, Жени́х грядéт в полуно́щи, / и блаже́н раб, егóже обря́щет бдя́ща, / недостóин же па́ки, егóже обря́щет уныва́юща. / Блюди́ у́бо, душе́ моя, / не сном отяготи́ся, / да не сме́рти предана́ будеши, / и Ца́рствия вне затвори́шися, / но восприя́ни зову́щи: / Свят, Свят, Свят еси́, Бóже, Богороди́цею помíлуй нас.

И ны́не и прíсно и во ве́ки веко́в. Ами́нь.

Чтец: Се, Жени́х грядéт в полуно́щи, / и блаже́н раб, егóже обря́щет бдя́ща, / недостóин же па́ки, егóже обря́щет уныва́юща. / Блюди́ у́бо, душе́ моя, / не

сном отяготися, / да не смерти предана будеши, / и Царствия вне затвориши, / но воспрани зовущи: / Свят, Свят, Свят еси, Боже, Богородицею помилуй нас.

Лик: Господи, помилуй. *(Трижды.)*

Слава Отцу и Сыну и Святому Духу.

Чтец: И ныне и присно и во веки веков. Аминь.

Кафисма 9-я.

В конец, псалом песни Давиду, песнь Иеремиева и Иезекиилева, людей преселения, егда хотяху исходити, 64.

Тебе подобает песнь, Боже, в Сионе, и Тебе воздастся молитва во Иерусалиме. Услыши молитву мою, к Тебе всяка плоть придет. Слова беззаконник премога нас, и нечестия наша Ты очистиши. Блажен, егже избрал еси и приял, вселится во дворех Твоих. Исполнимся во благих дому Твоего, свят храм Твой, дивен в правде. Услыши ны, Боже, Спасителю наш, упование всех концев земли, и сущих в мори далече, уготовляя горы крепостию Своею, препоясан силою, смущая глубину морскую, шуму волн Его кто постоит? Смятутся языцы, и убоятся живущии в концах от знамений Твоих, исходы утра и вечера украсиши. Посетил еси землю и упоил еси ю, умножил еси обогатити ю. Река Божия наполнися вод. Уготовал еси пищу им, яко тако [есть] уготовление. Бразды ея упой, умножи жита ея, в каплях ея возвеселится возсияющи. Благословиши венец лета благодати Твоея, и поля Твоя исполнятся тука, разботеют красная пустыни, и радостию холми препояшутся. Одеваясь овни овчии, и удблия умножат пшеницу, воззовут, ибо воспоют.

В конец, песнь псалма воскресения, 65.

Воскликните Господеву, вся земля, пойте же имени Его, дадите славу хвалы Его. Рцыте Богу: коль страшна дела Твоя? Во множестве силы Твоея солжут Тебе врази Твои. Вся земля да поклонится Тебе и поет Тебе, да поет же имени Твоему, Вышний. Приидите и видите дела Божия, коль страшен в советех паче сынов человеческих. Обращая море в сушу, в реце пройдут ногами, тамо возвеселимся о Нем, Владычествующем силою Своею веком. Очи Его на языки призираете, преогорчевающи да не возносятся в себе. Благословите, языцы, Бога нашего и услышан сотворите глас хвалы Его, положшаго душу мою в живот и не давшаго во смятение ног моих. Яко искусил ны еси, Боже, разжегл ны еси, якоже разжизается сребро. Ввел ны еси в сеть, положил еси скорби на хребте нашем. Возвел еси человеки на главы наша, проидохом сквозе огонь и воду, и извел еси ны в покой. Вниду в дом Твой со всеожжением, воздам Тебе молитвы моя, яже изрекосте устне мои, и глаголаша уста моя в скорби моей, всеожжения тучна вознесу Тебе с кадильом, и овны, вознесу Тебе воли с козлы. Приидите, услышите, и повем вам, вси боящиеся Бога, елика сотвори души моей. К Нему усты моими возвах и вознесох под языком моим. Неправду аще узрех в сердце моем, да не услышит мене Господь. Сего ради услыша мя Бог, внят гласу моления моего. Благословен Бог, Иже не отстави молитву мою и милость Свою от Мене.

В конец, в песнях, псалом песни Давиду, 66.

Бóже, ущéдри ны и благословí ны, просветí лицé Твое на ны и помíлуй ны. Познáти на землí путь Твой, во всех языцех спасéние Твое. Да исповéдятся Тебе лю́дие, Бóже, да исповéдятся Тебе лю́дие вси. Да возвеселя́тся и да возра́дуются язы́цы, я́ко судиши лю́дем правото́ю, и язы́ки на землí наста́виши. Да исповéдятся Тебе лю́дие, Бóже, да исповéдятся Тебе лю́дие вси. Земля́ даде́ плод свой, благословí ны, Бóже, Бóже наш, благословí ны, Бóже, и да убо́ятся Его вси концы́ землí.

Сла́ва Отцу́ и Сыну́ и Свято́му Ду́ху.

Лик: И ныне и присно и во веки веков. Ами́нь.

Аллилу́иа, аллилу́иа, аллилу́иа, сла́ва Тебе́, Бóже. (Трижды.)

Го́споди, помíлуй. (Трижды.)

Сла́ва Отцу́ и Сы́ну и Свято́му Ду́ху.

Чтец: И ныне и присно и во веки веков. Ами́нь.

В конец, псалом песни Давиду, 67.

Да воскрэ́снет Бог, и расточа́тся вразй́ Его, и да бежа́т от лица́ Его ненави́дящии Его. Я́ко исчеза́ет дым, да исче́знут, я́ко та́ет воск от лица́ огня́, та́ко да поги́бнут грéшницы от лица́ Бóжия, а пра́ведницы да возвеселя́тся, да возра́дуются пред Бо́гом, да насла́дятся в весéлии. Воспо́йте Бо́гу, по́йте и́мени Его, путе́сотвори́те возше́дшему на за́пады, Госпо́дь и́мя Ему, и ра́дуйтесь пред Ним. Да смяту́тся от лица́ Его, Отца́ си́рых и Судий́ вдови́ц: Бог в ме́сте святе́м Своем. Бог вселя́ет единомы́сленныя в дом, изводя́ оковáнныя му́жеством, та́кожде преогорчева́ющия живу́щия во гробéх. Бóже, внегда́ исходи́ти Тебе́ пред лю́дьми Твоими, внегда́ мимоходи́ти Тебе́ в пусты́ни, земля́ потрясе́ся, и́бо небеса́ ка́нуша от лица́ Бо́га Сина́ина, от лица́ Бо́га Изра́илева. Дождь во́лен отлучи́ши, Бóже, достоя́нию Твоему, и изнемо́же, Ты же соверши́л еси́ е́. Живо́тная Твоя́ живу́т на ней, угото́вал еси́ бла́гостию Твое́ю ни́щему, Бóже. Госпо́дь даст глаго́л благовеству́ющим си́лою мно́гою. Царь сил возлю́бленнаго, красото́ю до́му раздели́ти коры́сти. Аще поспите́ посреде́ преде́л, криле́ голуби́не посре́брене, и междора́мья ея́ в блещáнии зláта. Внегда́ ра́знствит Небе́сный ца́ри на ней, оснежа́тся в Селмо́не. Горá Бóжия, горá тучна́я, горá усyreнна́я, горá тучна́я. Вску́ю непщуете́ го́ры усyreнныя? Горá, ю́же благоволи́ Бог жи́ти в ней, и́бо Госпо́дь всели́тся до конца́. Колесни́ца Бóжия тьма́ми тем, ты́сяца гобзу́ющих, Госпо́дь в них в Сина́и во святе́м. Возше́л еси́ на высоту́, плени́л еси́ плен, прия́л еси́ дая́ния в челове́цах, и́бо не покаря́ющияся, е́же всели́тся. Госпо́дь Бог благослове́н, благослове́н Госпо́дь день дне, поспеши́т нам Бог спасéний наших. Бог наш, Бог е́же спаса́ти, и Госпо́дня, Госпо́дня исходи́ща сме́ртная. Оба́че Бог сокруши́т главы́ враго́в Своих, верх влас прехо́дящих в прегрешéниях своих. Рече́ Госпо́дь: от Васáна обра́щу, обра́щу во глубина́х морских. Я́ко да омо́чится нога́ твоя́ в кро́ви, язы́к пес твоих, от враг от него. Видена́ бы́ша шéствия Твоя́, Бóже, шéствия Бо́га моего́ Царя́, Иже во святе́м: предвари́ша кня́зи близ пою́щих, посреде́ дев тимпа́нниц. В це́рквах благослови́те Бо́га, Го́спода от исто́чник Изра́илевых. Та́мо Вениа́мин юне́йший во у́жасе, кня́зи Иу́дови влады́ки их, кня́зи Завулóни,

князи Неффалимли. Заповеждь, Бóже, силою Твоею, укрепи, Бóже, сие, еже соделал еси в нас. От храма Твоего во Иерусалим Тебе принесут царие дары. Запрети зверем трóстным, сонм юнец в юницах людских, еже затворити искушенныя сребром, расточи языки хотящия бранем. Приидут молитвенницы от Египта, Ефиопиа предварит руку свою к Бóгу. Царства земная, пойте Бóгу, воспойте Господеви, возшедшему на небо небесе на востоки, се даст гласу Своему глас силы. Дадите славу Бóгови, на Израили велелепота Его, и сила Его на облацех. Дивен Бог во святых Своих, Бог Израилев: Той даст силу и державу людем Своим, благословен Бог.

Слава Отцу и Сыну и Святому Духу.

Лик: И ныне и присно и во веки веков. Аминь.

Аллилуиа, аллилуиа, аллилуиа, слава Тебе, Бóже. *(Трижды.)*

Гóсподи, помилуй. *(Трижды.)*

Слава Отцу и Сыну и Святому Духу.

Чтец: И ныне и присно и во веки веков. Аминь.

В конец, о изменшихся, псалом Давиду, 68.

Спаси, мя, Бóже, яко внидоша воды до души моя. Углубох в тимении глубины, и несть постояния. Приидох во глубины морской, и буря потопи мя. Утрудихся зовый, измолче гортань мой, исчезосте очи мои, от еже уповати ми на Бога моего. Умножишася паче влас главы моей ненавидящии мя туне, укрепишася врази мои, изгонящии мя неправедно: яже не восхизах, тогда воздаях. Бóже, Ты уведел еси безумие мое, и прегрешения моя от Тебе не утайшася. Да не постыдятся о мне терпящии Тебе, Гóсподи, Гóсподи сил, ниже да посрамятся о мне ищущии Тебе, Бóже Израилев. Яко Тебе ради претерпех поношение, покры срамота лице мое. Чуждь бых братии моей, и странен сыновом матере моей. Яко ревность дому Твоего снede мя, и поношения поносящих Ти нападоша на мя. И покрых постом душу мою, и бысть в поношение мне, и положих одеяние мое вретиче, и бых им в притчу. О мне глумляхуся сидящии во вратех, и о мне пояху пиющии вино. Аз же молитвою моею к Тебе, Бóже, время благоволения, Бóже, во множестве милости Твоея услыши мя, во истине спасения Твоего. Спаси мя от брения, да не углубну, да избавлюся от ненавидящих мя и от глубоких вод. Да не потопит мене буря водная, ниже да пожрет мене глубина, ниже сведет о мне ровенник уст своих. Услыши мя, Гóсподи, яко блага милость Твоя, по множеству щедрот Твоих призри на мя. Не отврати лица Твоего от отрока Твоего, яко скорблю, скорю услыши мя. Вонми души моей, и избави ю, враг моих ради избави мя. Ты бо веши поношение мое и студ мой, и срамоту мою: пред Тобою вси оскорбляющии мя. Поношение чаяше душа моя и страсть: и ждах соскорбящаго, и не бе, и утешающих, и не обретох. И даша в снede мою желчь, и в жажду мою напоиша мя оцта. Да будет трапеза их пред ними в сеть, и в воздаяние, и в соблазн. Да помрачатся очи их, еже не видети, и хребет их выну сляцы. Пролей на ня гнев Твой, и ярость гнева Твоего да постигнет их. Да будет двор их пуст, и в жилищах их да не будет живый. Зане егоже Ты поразил еси, тии погнаша, и к болезни язв моих приложиша. Приложи беззаконие к беззаконию их, и да не внидут в правду Твою. Да

потребятъся от кни́ги живы́х и с пра́ведными да не напи́шутся. Нищ и боля́й есмь аз: спасе́ние Твое, Бо́же, да при́имет мя. Восхва́лю имя Бо́га моего с пе́снию, возвели́чу Его во хвалéнии: и уго́дно бу́дет Бо́гу па́че тельца́ юна, ро́ги износя́ща и па́знокти. Да у́зрят ни́щии и возвеселя́тся: взыщи́те Бо́га, и жива́ бу́дет душа́ ваша. Яко услы́ша убо́гия Госпо́дь и окова́нныя Своя не уничижи́. Да восхва́лят Его небеса́ и земля́, мо́ре и вся живу́щая в нем. Яко Бог спасе́т Сио́на, и сози́ждутся гра́ди Иуде́йстии, и вселя́тся та́мо, и насле́дят и́, и се́мя рабо́в Твоих удержи́т и́, и любя́щии имя Твое вселя́тся в нем.

В конец, Давиду в воспоминание, во еже спасти мя Господу, 69.

Бо́же, в по́мощь мою вонми́, Го́споди, помощи́ ми потщи́ся. Да посты́дятся и посра́мятся и́щущии ду́шу мою, да возвратя́тся вспя́ть и посты́дятся хотя́щии ми зла́я. Да возвратя́тся а́бие стыдя́щися глаго́лющии ми: бла́гоже, бла́гоже. Да возра́дуются и возвеселя́тся о Тебе вси и́щущии Тебе, Бо́же, и да глаго́лют вы́ну, да возвели́чится Госпо́дь, любя́щии спасе́ние Твое: аз же нищ есмь и убо́г, Бо́же, помози́ ми: Помо́щник мо́й и Изба́витель мо́й еси́ Ты, Го́споди, не зако́сни.

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́, Бо́же. (Трижды.)

Го́споди, поми́луй. (Трижды.)

По 1-м стихословии седален, глас 4.

Подобен: Вознесыйся на Крест:

Жени́ха, бра́тие, возлюбим, / свещи́ своя́ украси́м, / в добродéтелях сия́юще и ве́ре пра́вой, / да я́ко му́дрыя Госпо́дни де́вы / гото́ви вни́дем с Ним на бра́ки. / Жени́х бо да́ры, я́ко Бог, / всем подае́т нетле́нный вене́ц.

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.

Жени́ха, бра́тие, возлюбим, / свещи́ своя́ украси́м, / в добродéтелях сия́юще и ве́ре пра́вой, / да я́ко му́дрыя Госпо́дни де́вы / гото́ви вни́дем с Ним на бра́ки. / Жени́х бо да́ры, я́ко Бог, / всем подае́т нетле́нный вене́ц.

Лик: Го́споди, поми́луй. (Трижды.)

Сла́ва Отцу́ и Сы́ну и Свято́му Ду́ху.

Чтец: И ны́не и при́сно и во ве́ки веко́в. Ами́нь.

Кафисма 10-я.

Давиду псалом, сынов Ионадавовых, и первых пленшихся, не надписан у еврей, 70.

На Тя, Го́споди, упова́х, да не посты́жуся в ве́к. Пра́вдою Твое́ю изба́ви мя и изми́ мя, приклони́ ко мне у́хо Твое и спаси́ мя. Бу́ди ми в Бо́га Защи́тителя и в место крѣ́пко спасти́ мя, я́ко утвержде́ние мое и прибе́жище мое еси́ Ты. Бо́же мой, изба́ви мя из руки́ грѣ́шнаго, из руки́ законопресту́пнаго и оби́дящаго, я́ко Ты еси́ терпе́ние мое, Го́споди, Го́споди, упова́ние моё от ю́ности моея́. В Тебе́ утверди́хся от утробы́, от чре́ва ма́тере моея́ Ты еси́ мой покрови́тель: о Тебе́

пéние мое вы́ну. Яко чу́до бых мно́гим, и Ты помо́щник мой крепок. Да испо́лнятся уста́ моя хвалéния, яко да воспою́ сла́ву Твою, весь день великолéпие Твое. Не отвержи мене́ во время́ ста́рости, внегда́ оскудева́ти крéпости моей, не оста́ви мене́. Яко рéша врази́ мои мне, и стрегу́щие ду́шу мою́ совеща́ша вку́пе, глаго́люще: Бог оста́вил есть его, пожените и имите его, яко несть избавля́яй. Бо́же мой, не удали́ся от Мене́, Бо́же мой, в по́мощь мою́ вонми́. Да посты́дятся и исче́знут оклевета́ющие ду́шу мою́, да облеку́тся в студ и срам и́щущии зла́я мне. Аз же всегда́ возупова́ю на Тя и приложу́ на всяку похвалу́ Твою. Уста́ моя возвестя́т пра́вду Твою, весь день спасéние Твое, яко не позна́х кни́жная. Вни́ду в силе Господни, Го́споди, помяну́ пра́вду Тебе Еди́наго. Бо́же мой, имже научи́л мя еси́ от ю́ности моея́, и до ны́не возвещу́ чудеса́ Твоя. И даже до ста́рости и престаре́ния, Бо́же мой, не оста́ви мене́, до́ндеже возвещу́ мы́шцу Твою́ ро́ду всему́ гряду́щему, си́лу Твою́ и пра́вду Твою, Бо́же, даже до вы́шних, яже сотвори́л ми еси́ вели́чия. Бо́же, кто́ подобен Тебе? Ели́ки яви́л ми еси́ ско́рби мно́ги и злы, и обра́щся оживотвори́л мя еси́, и от бездн земли́ возвёл мя еси́. Умно́жил еси́ на мне вели́чествие Твое, и обра́щся утéшил мя еси́, и от бездн земли́ па́ки возвёл мя еси́. Ибо аз испове́мся Тебе в лю́дех, Го́споди, в сосу́дех псаломских и́стину Твою́, Бо́же, воспою́ Тебе в гу́слех, Святы́й Изра́илев. Возра́дуется устне́ мои, егда́ воспою́ Тебе, и душа́ моя, ю́же еси́ изба́вил. Ещé же и язы́к мой весь день поучи́тся пра́вде Твоей, егда́ посты́дятся и посра́мятся и́щущии зла́я мне.

О Соломоне, псалом Давиду, 71.

Бо́же, суд Твой царéви даждь, и пра́вду Твою́ сыну царéву: суди́ти лю́дем Твоим в пра́вде, и ни́щим Твоим в суде́. Да воспри́мут го́ры мир лю́дем, и хо́лми пра́вду. Су́дит ни́щим людски́м, и спасéт сы́ны убо́гих, и смири́т клеветника́. И пребудет с со́лнцем, и пре́жде луны́ ро́да родо́в. Сни́дет яко дождь на руно́, и яко ка́пля, ка́плющая на зéмлю. Возсия́ет во днех его́ пра́вда и мно́жество ми́ра, до́ндеже оты́метя луна́. И облада́ет от мо́ря до мо́ря, и от рек до конéц вселéнныя. Пред ним припадúт ефио́пляне, и врази́ его персть поли́жут. Цáрие Фарсийстии и о́строви да́ры принесúт, цáрие Аравстии и Савá да́ры приведут: и поклóнятся ему́ вси цáрие зéмстии, вси язы́цы порабо́тают ему́. Яко изба́ви ни́ща от си́льна, и убо́га, ему́же не бе помо́щника. Пощади́т ни́ща и убо́га, и ду́ши убо́гих спасéт: от ли́хвы и от неправды изба́вит ду́ши их, и чéстно и́мя его́ пред ними. И жив бúдет, и да́тся ему́ от злата́ Аравийска, и помóлятся о нем вы́ну, весь день благословя́т его. Бúдет утверждéние на земли́ на версéх гор, превознесéтся па́че Ливáна плод его́: и процветúт от гра́да яко трава́ земна́я. Бúдет и́мя его́ благословéно во вéки, пре́жде со́лнца пребывáет и́мя его́, и благословя́тся в нем вся колéна земна́я, вси язы́цы ублажа́т его. Благословéн Господь Бог Изра́илев, творя́й чудеса́ еди́н. И благословéнно и́мя сла́вы Его́ во век, и в век вéка, и испо́лнится сла́вы Его́ вся земля́: бúди, бúди.

Сла́ва Отцу́ и Сыну́ и Свято́му Ду́ху.

Лик: И ны́не и при́сно и во вéки веко́в. Ами́нь.

Аллилу́иа, аллилу́иа, аллилу́иа, сла́ва Тебе́, Бо́же. (Трижды.)

Господи, помилуй. (Трижды.)

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом Асафу, 72.

Коль благ Бог Израилев правым сердцем. Мои же в мале не подвижастесь нозе: в мале не пролияшася стопы моя. Яко возревновал на беззаконных, мир грешников зря. Яко несть восклонения в смерти их, и утверждения в ране их, в трудах человеческих не суть, и с человеки не примут ран. Сего ради удержал я гордыня их до конца: одеяшася неправдою и нечестием своим. Изидет яко из тука неправда их, преидоша в любовь сердца. Помыслиша и глаголаша в лукавстве, неправду в высоту глаголаша. Положиша на небеси уста своя, и язык их преиде по земли. Сего ради обратятся людие мои семо, и дние исполнены обрящутся в них. И реша: како уведет Бог? И аще есть разум в Вышнем? Се сии грешницы и гобзующии в век, удержал богатство. И рех: еда все оправдих сердце мое, и умых в неповинных рuce мои? И бых язвен весь день, и обличение мое на утренних. Аще глаголах, повем тако: се роду сынов Твоих, емуже обещахся, и непщевах разумети: сие труд есть предо мною, дондеже вниду во святило Божие и разумю в последняя их. Обаче за льщения их положил еси им злая, низложил еси я, внегда разгордешася. Како быша в заустение? Внезапу исчезоша, погибоша за беззаконие свое. Яко соние востающего, Господи, во граде Твоем образ их уничижиши. Яко разжжеся сердце мое, и утробы моя изменишася. И аз уничижен и не разумех, скотен бых у тебе. И аз выну с Тобою, удержал еси руку десную мою, и советом Твоим наставил мя еси, и со славою приял мя еси. Что бо ми есть на небеси? И от Тебе что восхотех на земли? Исчезе сердце мое и плоть моя, Боже сердца моего, и часть моя, Боже, во век. Яко се удаляющие себе от Тебе, погибнут; потребил еси всякаго любодеещаго от Тебе. Мне же прилепятися Богови благо есть, полагати на Господа упование мое, возвестити ми вся хвалы Твоя во вратах дщере Сиони.

Разума Асафу, 73.

Вскую, Боже, отринул еси до конца? Разгневался ярость Твоя на овцы пажити Твоея? Помяни сонм Твой, ебоже стяжал еси исперва, избавил еси жезлом достояния Твоего, гора Сион сия, в нейже вселился еси. Воздвигни рuce Твои на гордыни их в конец, елика лукавнова враг во святем Твоем. И восхвалишася ненавидящие Тя посреде праздника Твоего: положиша знамения своя, знамения, и не познаша, яко во исходе превыше, яко в дубраве древяне секирами отсекоша двери его вкупе: сечивом и оскордом разрушиша и. Возггоша огнем святило Твое, на земли оскверниша жилище имене Твоего. Реша в сердце своем южики их вкупе: приидите и оставим вся праздники Божия от земли. Знамения их не видехом: несть ктому пророка, и нас не познает ктому. Доколе, Боже, поносит враг? Раздражит противный имя Твое до конца? Вскую отвращаеши руку Твою и десницу Твою от среды недра Твоего в конец? Бог же Царь наш прежде века содела спасение посреде земли.

Ты утвердил еси силою Твоею море, Ты стерл еси главы змиев в воде, Ты сокрушил еси главу змиеву, дал еси того брашно людем ефиопским. Ты расторгл еси источники и потоки, Ты изсушил еси реки Ифамския. Твой есть день, и Твоя есть ночь: Ты совершил еси зарю и солнце. Ты сотворил еси вся пределы земли, жатву и весну Ты создал еси я. Помяни сия: враг поносит Господеви, и людие безумнии раздражиша имя Твое. Не предаждь зверем душу, исповедающуюся Тебе, душ убогих Твоих не забуди до конца. Призри на завет Твой, яко исполнися помраченнии земли домов беззаконий. Да не возвратится смиренный посрамлен, нищ и убог восхвалита имя Твое. Востани, Боже, суди прю Твою, помяни поношение Твое, еже от безумнаго весь день. Не забуди гласа молитвенник Твоих, гордыня ненавидящих Тя взыде выну.

Слава Отцу и Сыну и Святому Духу.

Лик: И ныне и присно и во веки веков. Аминь.

Аллилуиа, аллилуиа, аллилуиа, слава Тебе, Боже. *(Трижды.)*

Господи, помилуй. *(Трижды.)*

Слава Отцу и Сыну и Святому Духу.

Чтец: И ныне и присно и во веки веков. Аминь.

В конец, да не растлиши, псалом песни Асафу, 74.

Исповемся Тебе Боже, исповемся Тебе, и призовем имя Твое; повем вся чудеса Твоя. Егда приму время, аз правоты возсужду. Растаяся земля и вси живущии на ней, аз утвердих столпы ея. Рех беззаконующим, не беззаконуйте: и согрешающим, не возносите рога, не воздвизайте на высоту рога вашего, и не глаголите на Бога неправду: яко ниже от исход, ниже от запад, ниже от пустых гор. Яко Бог судия есть: сего смиряет, и сего возносит. Яко чаша в руке Господни, вина неразворена, исполнь растворения, и уклони от сея в сию: обаче дрождие его не истощися, испиют вси грешнии земли. аз же возрадуюся в век, воспую Богу Иаковлю: и вся роги грешных сломлю, и вознесется рог праведнаго.

В конец, в песнех, псалом Асафу, песнь ко ассирианину, 75.

Ведом во Иудеи Бог: во Израили велие имя Его. И бысть в мире место Его и жилище Его в Сионе. Тамо сокруши крепости луков, оружие и меч и брань. Просвещаяши Ты дивно от гор вечных. Смятоса вси неразумнии сердцем: уснуша сном своим, и ничтоже обретоша вси мужие богатства в руках своих. От запрещенія Твоего, Боже Иаковль, воздремаша вседшии на кони. Ты страшен еси, и кто противостанет Тебе? Оттоле гнев Твой. С небесе слышан сотворил еси суд, земля убоится и умолча, внемда востати на суд Богу, спасти вся кроткия земли. Яко помышление человеческое исповестся Тебе: и остаток помышления празднует Ти. Помолитесь и воздадите Господеви Богу нашему. Вси, иже окрест Его, принесут дары, страшному и отъемлющему духи князей, страшному паче царей земных.

В конец, о Идифуме, псалом Асафу, 76.

Гласом моим ко Господу возвах, гласом моим к Богу, и внят ми. В день скорби моея Бога взысках руками моима, нощию пред Ним, и не прельщен бых.

Отвѣржеся утѣшится душа моя. Помянух Бога и возвеселихся, поглумляхся и малодушествоваше дух мой. Предваристе стражбы очи мои: смятохся и не глаголах. Помыслих дни первые, и лета вечная помянух, и поучахся: ношцию сердцем моим глумляхся, и тужахше дух мой: еда во веки отринет Господь, и не приложит благоволити паки? Или до конца милость Свою отсечет, сконча глагол от рода в род? Еда забудет ущедрити Бог? Или удержит во гневе Своём щедроты Своя? И рех, ныне начах: сия измена десницы Вышняго. Помянух дела Господня, яко помяну от начала чудеса Твоя, и поучуся во всех делех Твоих, и в начинаниих Твоих поглумлюся. Боже, во святем путь Твой: кто бог велий, яко Бог наш? Ты еси Бог творяй чудеса: сказа еси в людех силу Твою, избавил еси мышцею Твоею люди Твоя, сыны Иаковли и Иосифовы. Видеша Тя воды, Боже, видеша Тя воды, и убояшася: смятошася бездны, множество шума вод, глас даша облацы, ибо стрелы Твоя преходят. Глас грома Твоего в колеси, осветиша молния Твоя вселенную: подвижеся и трепетна бысть земля. В мори путие Твои, и стези Твоя в водах многих, и следы Твои не познаются. Наставил еси яко овцы люди Твоя рукою Моисеовою и Ааронею.

Слава Отцу и Сыну и Святому Духу, и ныне и присно и во веки веков. Аминь.

**Аллилуиа, аллилуиа, аллилуиа, слава Тебе, Боже. (Трижды.)
Господи, помилуй. (Трижды.)**

По 2-м стихословии седален, глас 4.

Подобен: Удивися Иосиф:

Совет, Спасе, беззаконный на Тя, / священницы и книжницы завистию собравше люте, / в предательство подвигоша Иуду, / темже безстыдно исхождаше, глаголаше на Тя беззаконным людем: / что ми, глаголет, дадите, / и аз вам Его предам в руки ваша? / Осуждения сего избави, Господи, души наша.

Слава Отцу и Сыну и Святому Духу, и ныне и присно и во веки веков. Аминь.

Совет, Спасе, беззаконный на Тя, / священницы и книжницы завистию собравше люте, / в предательство подвигоша Иуду, / темже безстыдно исхождаше, глаголаше на Тя беззаконным людем: / что ми, глаголет, дадите, / и аз вам Его предам в руки ваша? / Осуждения сего избави, Господи, души наша.

Лик: Господи, помилуй. (Трижды.)

Слава Отцу и Сыну и Святому Духу.

Чтец: И ныне и присно и во веки веков. Аминь.

Кафисма 11я.

Разума Асафу, 77.

Внемлите, людие мои, закону моему, приклоните ухо ваше во глаголы уст моих. Отверзу в притчах уста моя, провещаю гана́ния исперва. Елика слышахом и познахом я, и отцы наши поведаша нам: не утайшася от чад их в род ин, возвещающе хвалы Господни и силы Его, и чудеса Его, яже сотвори. И

воздвиге свидение во Иакове, и закон положи во Израили: елика заповеда отцем нашим, сказа́ти я сыновом своим, яко да познает род ин, сынове родящиеся, и востанут и пове́дят я сыновом своим: да положат на Бога упование свое, и не забудут дел Божиих, и заповеди Его взыщут. Да не будут якоже отцы их, род строптив и преогорчева́яй, род, иже не испра́ви сердца своего́, и не увери с Богом ду́ха своего́. Сынове Ефре́мли наляца́юще и стреля́юще лу́ки, возврати́шася в день бра́ни: не сохрани́ша завета́ Божия, и в законе́ Его не восхотеша ходи́ти. И забы́ша благодея́ния Его, и чудеса́ Его, яже пока́за им пред отцы́ их, яже сотвори́ чудеса́ в земли́ Египетстей: на по́ли Танае́се. Разве́рзе мо́ре, и проведé их, предста́ви во́ды яко мех. И наста́ви я́ облаком во дни, и всю ночь просвеще́нием огня́. Разве́рзе ка́мень в пусты́ни, и напои́ я́ яко в бе́здне мно́зе, и изведé во́ду из ка́мене, и низведé яко ре́ки во́ды. И приложи́ша е́ще согреша́ти Ему, преогорчи́ша Вы́шняго в безво́дней; и искуси́ша Бо́га в сердца́х своих, воспроси́ти бра́шна душам своим. И клеветаша на Бо́га, и ре́ша: еда́ возмо́жет Бог угото́вати трапéзу в пусты́ни? Поне́же порази́ ка́мень, и потекóша во́ды, и пото́цы наводни́шася: еда́ и хлеб мо́жет да́ти, или́ угото́вати трапéзу лю́дем Своим? Сего́ ра́ди слы́ша Господь и презре́: и огонь возгорéся во Иакове, и гнев взы́де на Израи́ля, яко не ве́роваша Бо́гови, ниже́ упова́ша на спасе́ние Его. И заповеда́ облаком свы́ше, и двéри небесе́ отвéрзе, и одожди́ им ма́нну я́сти, и хлеб небесный даде́ им. Хлеб а́нгельский яде́ человек, бра́шно посла́ им до сы́тости. Воздвиге́ юг с небесе́, и наведе́ си́люю Своёю ли́ва, и одожди́ на ня́ яко прах плóти, и яко песóк морской пти́цы перна́ты. И нападо́ша посреде́ ста́на их, о́крест жили́щ их. И ядо́ша и насы́тишася зело́, и желáние их принесé им. Не лиши́шася от желáния своего́: е́ще бра́шну су́щу во устéх их: и гнев Божий взы́де на ня́, и уби́ мно́жайшая их, и избранны́м израи́левым запы́т. Во всех сих согреши́ша е́ще, и не ве́роваша чудесéм Его. И исчезóша в су́етé дние́ их, и лёта их со тща́нием. Егда́ убивáше я́, тогда́ взыска́ху Его, и обраща́хуся, и у́треневаху к Бо́гу: и помяну́ша, яко Бог Помóщник им есть, и Бог Вы́шний Избáвитель им есть. И возлюби́ша Его усты́ своїми, и языком своим солга́ша Ему: сердце́ же их не бе́ право с Ним, ниже́ увери́шася в завете́ Его. Тóйже есть щедр, и очисти́т грехи́ их, и не растли́т, и умно́жит отврати́ти ярость Свою, и не разжжёт́ всего́ гнева́ Своего́. И помяну́, яко плоть су́ть, дух ходя́й и не обраща́йся. Колькράты преогорчи́ша Его в пусты́ни, прогне́ваша Его в земли́ безво́дней? И обрати́шася, и искуси́ша Бо́га, и Свята́го Израи́лева раздражи́ша, и не помяну́ша руки́ Его в день, во́ньже избáви я́ из руки́ оскорбля́ющаго, якоже положи́ во Египте зна́мения Своя, и чудеса́ Своя на по́ли Танае́се, и преложи́ в кровь ре́ки их, и исто́чники их, яко да не пью́т. Посла́ на ня́ пёсия му́хи, и поядо́ша я́: и жа́бы, и растли́ я́. И даде́ рже́ плоды́ их, и труды́ их пруго́м. Уби́ гра́дом виногра́ды их, и черни́чие их сла́ною, и предаде́ гра́ду скоты́ их, и имéние их огню́. Посла́ на ня́ гнев я́рости Своея, я́рость и гнев и скорбь, послáние а́ггелы лю́тыми. Путесотвори́ стезю́ гнёву Своему́, и не пощаде́ от смёрти душ их: и скоты́ их в смёрти заключи́, и порази́ вся́кое перворо́дное в земли́ Египетстей, нача́ток вся́каго труда́ их в селéниях Ха́мовых. И воздвиге́ яко о́вцы лю́ди Своя, и возведя́ я́ яко стадо в пусты́ни, и наста́ви я́ на упова́ние, и не убо́яшася, и враги́ их покры́ мо́ре. И

введё я в гору святыни Своея, гору сию, юже стяжа десница Его. И изгна от лица их языки, и по жребию даде им [землю] ужем жребодаяния, и всели в селениих их колена Израилева. И искусша и преогорчиша Бога Вышняго, и свидений Его не сохраниша, и отвратишася, и отвергошася, якоже и отцы их, превратишася в лук развращен, и прогневаша Его в холмах своих, и во истуканных своих раздражиша Его. Слыша Бог и презре, и уничижи зело Израиля, и отрину скинию Силомскую, селение, еже вселися в человецех. И предаде в плен крепость их, и доброту их в руки врагов, и затвори во оружии люди Своя, и достояние Свое презре. Юноши их пояде огонь, и девы их не осетованы быша; священницы их мечем падоша, и вдовицы их не оплаканы будут. И воста яко спя Господь, яко силен и шумен от вина, и порази враги Своя вспять, поношение вечное даде им. И отрину селение Иосифово, и колена Ефремово не избра, и избра колена Иудово, гору Сионю, юже возлюби, и созда яко единорога святилище Свое, на земли основа и в век. И избра Давида раба Своего, и восприят его от стад овчих. От дойлиц поят его, пасты Иакова раба Своего, и Израиля достояние Свое. И упасе я в незлобии сердца своего, и в разумех руку своею наставил я есть.

Слава Отцу и Сыну и Святому Духу.

Лик: И ныне и присно и во веки веков. Аминь.

Аллилуиа, аллилуиа, аллилуиа, слава Тебе, Боже. (Трижды.)

Господи, помилуй. (Трижды.)

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом Асафу, 78.

Боже, приидоша языцы в достояние Твое, оскверниша храм святой Твой, положиша Иерусалим яко овощное хранилище, положиша трупия раб Твоих брашно птицам небесным, плоти преподобных Твоих зверем земным. Пролияша кровь их яко воду окрест Иерусалима, и не бе погребаяй. Быхом поношение соседом нашим, раздражение и поругание сущим окрест нас. Доколе, Господи, прогневаешися до конца, разжётся яко огонь рвение Твое? Пролей гнев Твой на языки не знающие Тебе, и на царствия, яже имене Твоего не призваша, яко поядоша Иакова, и место его опустошиша. Не помяни наших беззаконий первых: скоро да предварят ны щедроты Твоя, Господи, яко обнищавом зело. Помози нам, Боже, Спасителю наш, славы ради имене Твоего, Господи, избави ны, и очисти грехи наша имене ради Твоего. да не когда рекут языцы, где есть Бог их? И да увестся во языцех пред очима нашими отмщение крове раб Твоих пролития. Да внидет пред Тя воздыхание окованных, по величию мышцы Твоея снабди сыны умерщвленных. Воздаждь соседом нашим седмерицею в недра их поношение их, имже поносиша Тя, Господи. Мы же людие Твои и овцы пажити Твоея, исповемыся Тебе, Боже, во век, в род и род возвестим хвалу Твою.

В конец, о изменшихся, свидение Асафу, псалом 79.

Пасый Израїля, вонми: наставляяй яко овча Ибсифа, седяй на Херувимех, явися: пред Ефремом и Вениамином и Манассием воздвигни силу Твою, и прииди во еже спасти нас. Бóже, обрати ны, и просвети лице Твое, и спасемся. Гóсподи Бóже сил, докóле гнѣваешия на молитву раб Твоих? Напитаеши нас хлѣбом слѣзным, и напоиши нас слезами в мѣру. Положил еси нас в пререkanie сосѣдом нашим, и врази наши подражниша ны. Гóсподи Бóже сил, обрати ны, и просвети лице Твое, и спасемся. Виноград из Египта принесл еси, изгнал еси языки, и насадил еси и. Путесотворил еси пред ним, и насадил еси коренія его, и исполни зѣмлю. Покры горы сень его, и ветвия его кѣдры Бóжия; простре рózги его до мóря, и даже до рек óтрасли его. Вскую низложил еси оплот его, и обымают и вси мимоходящи путем? Озоба и вепрь от дубравы, и уединенный дивий пояде и. Бóже сил, обрати ны, и призри с небесе и виждь, и посети виноград сей, и соверши и, егóже насади десница Твоя, и на сына человеческого, егóже укрепил еси Себе. Пожжен огнем и раскопан, от запрещенія лица Твоего погибнут. Да будет рука Твоя на мужа десницы Твоея, и на сына человеческого, егóже укрепил еси Себе, и не отступим от Тебе; оживиши ны, и имя Твое призовем. Гóсподи Бóже сил, обрати ны, и просвети лице Твое, и спасемся.

В конец, о точилех, псалом Асафу, 80.

Рáдуйтесь Бóгу Помóщнику нашему, воскликните Бóгу Иаковлю, примите псалом и дадите тимпан, псалтирь красен с гóсльми, вострубите в новомѣсячии трубою, во благознаменитый день праздника вашего, яко повеление Израилеви есть, и судьба Бóгу Иаковлю. Свидение во Ибсифе положи е, внемда изыти ему от земли Египетския, языка егóже не ведяше услыша. Отъят от бремене хребет его, рúце его в кошѣ поработасте. В скорби призвал Мя еси, и избавих тя, услышах тя в тайне бурне, искусих тя на воде пререkania. Слышите, людие Мои, и засвидетельствую вам, Израилю, аще послушаеши Менѣ. Не будет тебе бог нов, ниже поклонишия бóгу чуждѣму. Аз бо есмь Господь Бог твой, изведый тя от земли Египетския, разшири уста твоя, и исполню я. И не послушаша людие Мои гласа Моего, и Израиль не внят Ми: и отпустих я по начинанием сердец их, пойдут в начинаниих своих. Аще быша людие Мои послушали Менѣ, Израиль аще бы в пути Моя ходил, ни о чемом же úбо враги его смирил бых, и на оскорбляющия их возложил бых руку Мою. Врази Господни солгаша ему, и будет время их в век. И пита их от тука пшенична, и от камене меда насыти их.

Слава Отцу и Сыну и Святому Духу.

Лик: И ныне и присно и во веки веков. Аминь.

Аллилуиа, аллилуиа, аллилуиа, слава Тебе, Бóже. (Трижды.)

Гóсподи, помилуй. (Трижды.)

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом Асафу, 81.

Бог ста в сонме богов, посреде же боги разсудит. Докболе судите неправду, и лица грешников приемлете? Судите сиру и убогу, смирена и нища оправдайте. Измите нища и убога, из руки грешничи избавите его. Не познаша, ниже уразумеша, во тьме ходят: да подвижатся вся основания земли. Аз рех: божи есте, и сынове Вышняго вси. Вы же яко человецы умираете, и яко един от князей падаете. Воскресни, Боже, суди земли: яко Ты наследиши во всех языцех.

Песнь псалма Асафу, 82.

Боже, кто уподобится Тебе? Не премолчи, ниже укроти, Боже. Яко се врази Твои возшумеша, и ненавидящи Тя воздвигоша главу. На люди Твоя лукавноваша волю, и совещаша на святые Твоя. Реша: приидите и потребим я от язык, и не помянется имя Израилево ктому. Яко совещаша единомышлением вкупе, на Тя завет завещаша: селения Идумейска, и Исмаилите, Моав и Агаряне: Гевал и Аммон и Амалик, иноплеменицы с живущими в Тире, ибо и Асур прииде с ними, быша в заступление сыновом Лотовым. Сотвори им яко Мадиаму и Сисаре, яко Иавиму в потоце Киссове. Потребишася во Аендоре, быша яко гной земный. Положи князи их, яко Орива и Зива, и Зевеа и Салмана, вся князи их, иже реша: да наследим себе святилище Божие. Боже мой, положи я яко коло, яко трость пред лицом ветра. Яко огонь поपालяй дубравы, яко пламень пожигаяй горы, тако поженеши я бурю Твоею, и гневом Твоим смятеши я. Исполни лица их безчестия, и възьмут имене Твоего, Господи. Да постыдятся и смятутся в век века, и посрамятся и погибнут. И да познают, яко имя Тебе Господь, Ты един Вышний по всей земли.

В конец, о точилех, сыном Кореовым, псалом 83.

Коль возлюбленна селения Твоя, Господи сил! Желает и скончавается душа моя во дворы Господни, сердце мое и плоть моя возрадовастася о Боже живе. Ибо птица обрете себе храмину, и горлица гнездо себе, идеже положит птенцы своя, олтари Твоя, Господи сил, Царю мой и Боже мой. Блажени живущии в дому Твоем, в веки веков восхвалят Тя. Блажен муж, емуже есть заступление его у тебе; восхождения в сердце своем положи, во юдоль плачевную, в место еже положи, ибо благословение даст законополагаяй. Пойдут от силы в силу: явится Бог богов в Сионе. Господи Боже сил, услыши молитву мою, внуши, Боже Иаковль. Защитниче наш, виждь, Боже, и призри на лице христа Твоего. Яко лучше день един во дворех Твоих паче тысящ: избволих приметатися в дому Бога моего паче, неже жити ми в селениих грешничих. Яко милость и истину любит Господь Бог, благодать и славу даст, Господь не лишит благих ходящих незлобием. Господи Боже сил, блажен человек уповаяй на Тя.

В конец, сыном Кореовым, псалом 84.

Благоволил еси, Господи, землю Твою, возвратил еси плен Иаковль: оставил еси беззакония людей Твоих, покрыл еси вся грехи их. Укротил еси весь гнев Твой, возвратился еси от гнева ярости Твоея. Возврати нас, Боже спасений наших, и отврати ярость Твою от нас. Еда во веки прогневаешия на ны? Или

простреши гнев Твой от рода в род? Бóже, Ты обращаешься оживиши ны, и людие Твои возвеселятся о Тебе. Яви нам, Гóсподи, мýлость Твою, и спасéние Твое даждь нам. Услýшу, что́ речёт о мне Гóсподь Бог: яко речёт мир на люди Своя, и на преподобныя Своя, и на обращающия сердца́ к Немý. Обáче близ боящихся Его спасéние Его, вселити сла́ву в зéмлю на́шу. Мýлость и истина сретóстеся, прав́да и мир облобыза́стеся. Истина от земли возсия́, и прав́да с небесе́ приниче, и́бо Гóсподь даст бла́гость, и земля́ на́ша даст плод свой. Прав́да пред Ним преды́дет и положит в путь стопы́ своя.

Сла́ва Отцу́ и Сы́ну и Свято́му Ду́ху, и ны́не и присно и во ве́ки веков. Ами́нь.

Аллилу́иа, аллилу́иа, аллилу́иа, сла́ва Тебе́, Бóже. (Трижды.)

Гóсподи, помилуй. (Трижды.)

По 3-м стихословии седален, глас 8.

Подобен: Премýдрости:

Иу́да ра́зумом сребролю́бствует, / на Учи́теля вражде́бне подвиза́ется, / советует, поуча́ется предáнию, / све́та отпа́дает, тьму при́им, / соглаша́ет це́ну, продаёт Безце́ннаго, / те́мже и удавлéние, возме́здие е́же соде́я, / обрета́ет ока́янный и лю́тую смерть, / преда́в Тебе́, Гóспода. / Того́ нас ча́сти изба́ви, Христе́ Бóже, / прегрешéний оставле́ние да́руя, / пра́зднующим ве́рою пречи́стую страсть Твою́.

Сла́ва Отцу́ и Сы́ну и Свято́му Ду́ху, и ны́не и присно и во ве́ки веков. Ами́нь.

Иу́да ра́зумом сребролю́бствует, / на Учи́теля вражде́бне подвиза́ется, / советует, поуча́ется предáнию, / све́та отпа́дает, тьму при́им, / соглаша́ет це́ну, продаёт Безце́ннаго, / те́мже и удавлéние, возме́здие е́же соде́я, / обрета́ет ока́янный и лю́тую смерть, / преда́в Тебе́, Гóспода. / Того́ нас ча́сти изба́ви, Христе́ Бóже, / прегрешéний оставле́ние да́руя, / пра́зднующим ве́рою пречи́стую страсть Твою́.

Диакон: И о сподóбитися нам слы́шанию свята́го Ева́нгелия Гóспода Бо́га мо́лим.

Лик: Гóсподи, помилуй. (Трижды.)

Диакон: Премýдрость, прóсти, услы́шим свята́го Ева́нгелия.

Священник: Мир всем.

Лик: И ду́хови твоему́.

Священник: От Матфе́а свята́го Ева́нгелия чтéние.

Лик: Сла́ва Тебе́, Гóсподи, сла́ва Тебе́.

Диакон: Вóнмем.

Евангелие от Матфе́а, зачало 90. [Мф. 22, 15 – 23, 39.]

Диакон: Во вре́мя о́но, совет при́емше вси фарисе́е на Иису́са, яко да обольста́т Его́ сло́вом, посыла́ют к Немý ученики́ своя со ироди́аны, глаго́люще: Учи́телю, ве́мы, яко исти́нен еси́, и пу́ти́ Бóжию во́истинну учи́ши, и неради́ши ни о ко́мже, не зри́ши бо на лице́ челове́ком, рцы́ у́бо нам, что Ти ся мнит? Досто́йно ли есть да́ти кинсо́н кесареви, или́ ни? Разуме́в же Иису́с лука́вство их, рече́: что́ Мя искуша́ете, лице́мери? Покажи́те Ми зла́тицу кинсо́нную. Они́ же принесóша Ему́ пéнязь. И глаго́ла им: чий о́браз сей и написа́ние? И глаго́лаша Ему́: кесаре́в. Тогда́ глаго́ла им: возда́дите у́бо кесаре́ва кесареви, и Бóжия Бо́гови. И слы́шавше диви́шася, и оста́вльше Его́ отидо́ша. В той день приступи́ша к Немý саддуке́е, и́же глаго́лют не бы́ти воскресе́нию, и

вопросиша Его, глаголюще: Учителю, Моисей рече, аще кто умрет не имый чад, да поймет брат его жену его и воскресит семя брата своего. Беша же в нас семь братья, и первый оженься умре, и не имый семене, остави жену свою брату своему, такожде же и второй, и третий, даже до седмаго, последи же всех умре и жена. В воскрешение убо, котораго от седмих будет жена? Все бо имеша ю. Отвещав же Иисус рече им: прельщаетесь, не ведуще Писания, ни силы Божия. В воскресение бо ни женятся, ни посягают, но яко Ангели Божии на небеси суть, о воскресении же мертвых несте ли чли реченнаго вам Богом, глаголющим: Аз есмь Бог Авраамов, и Бог Исааков, и Бог Иаковль? Несть Бог Бог мертвых, но Бог живых. И слышавше народи дивляхуся о учении Его. Фарисее же слышавше, яко посрамя саддукей, собрашася вкупе. И вопроси един от них законоучитель, искушая Его и глаголя: Учителю, каа заповедь больши есть в законе? Иисус же рече ему: возлюбиши Господа Бога твоего всем сердцем твоим, и всею душею твоею, и всею мыслию твоею. Сия есть первая и большая заповедь. Вторая же подобна ей: возлюбиши искренняго твоего яко сам себе. В сию обою заповедю весь закон и пророцы висят. Собраном же фарисеом, вопроси их Иисус, глаголя: что ся вам мнит о Христѣ? Чий есть Сын? Глаголаша Ему: Давидов. Глагола им: како убо Давид Духом Господа Его нарицает, глаголя: рече Господь Господеву моему, седи одесную Мене, дондеже положу враги Твоя подножие ногам Твоим? Аще убо Давид нарицает Его Господа, како сын ему есть? И никтоже можаше ответати Ему словесе, ниже смѣя кто от того дне вопросити Его ктому. Тогда Иисус глагола к народом и учеником Своим, глаголя: на Моисеове седалищи седоша книжницы и фарисее. Вся убо, елика аще рекут вам блюсти, соблюдайте и творите, по делом же их не творите. Глаголют бо, и не творят, связуют бо бремена тяжка и бедне носима, и возлагают на плеща человека, перстом же своим не хотят двинути их. Вся же дела своя творят, да видими будут человеки, расширяют же хранилища своя и величают воскрилия риз своих, любят же преждевозлегания на вечерях, и преждеседания на сонмищах, и целования на торжищих, и зватися от человек: учителю, учителю. Вы же не нарицайтесь учителя, един бо есть ваш Учитель, Христос, все же вы братья есте. И отца не зовите себе на земли, един бо есть Отец ваш, Иже на небесех. Ниже нарицайтесь наставницы, един бо есть Наставник ваш, Христос. Блиий же в вас да будет вам слуга, иже бо вознесется, смирится, и смиряяйся вознесется. Горе вам, книжницы и фарисее, лицемери, яко снѣдаете домы вдовиц, и виноу далече молитвы творяще, сего ради лишнее примете осуждение. Горе вам, книжницы и фарисее, лицемери, яко затворяете Царствие Небесное пред человеком, вы бо не входите, ни входящих оставляете внити. Горе вам, книжницы и фарисее, лицемери, яко преходите море и сушу, сотворити единого пришельца, и егда будет, творите его сына геенны сугубейша вас. Горе вам, вожди слепии, глаголющии, иже аще кленется церковию, ничесоже есть, а иже кленется златом церковным, должен есть. Буи и слепии, кое бо боле есть, злато ли, или церковь, святящая злато? И иже аще кленется олтарем, ничесоже есть, а иже кленется даром, иже верху его, должен есть. Буи и слепии, что бо боле, дар ли, или олтаре, святяй дар? Иже убо кленется олтарем, кленется им и Сущим верху его, и иже кленется церковию, кленется ею и Живущим в ней, и кленыйся небесем кленется Престолом Божиим и Сядущим на нем. Горе вам, книжницы и фарисее, лицемери, яко одесятствуете мятву и копр и кимин, и остависте вящшая закону, суд и милость и веру, сия же подобаше творити, и оных не оставляти. Вожди слепии, оцеждающии комары, вельблуды же пожирающе. Горе вам, книжницы и фарисее лицемери, яко очищаете внешнее сткляницы и блюда, внутрюду же суть полни хищения и неправды. Фарисее слепый, очисти прежде внутреннее сткляницы и блюда, да будет и внешнее има чисто. Горе вам, книжницы и фарисее, лицемери, яко подобитесь гробом повапленным, иже внеуду убо являются красны, внутрюду же полни суть костей мертвых и всякия нечистоты. Тако и вы, внеуду убо являетесь человеком праведни, внутрюду же есте полни лицемерия и беззакония. Горе вам, книжницы и фарисее, лицемери, яко зиждете гробы пророческия, и красите раки праведных, и глаголете: аще быхом были во дни отец наших, не быхом убо общницы им были в крови пророк. Темже сами свидетельствуете себе, яко сынове есте избивших пророки, и вы исполните меру отец ваших. Змия, порождения ехиднова, како убежитѣ от суда огня геенскаго? Сего ради, се Аз послю к вам пророки и премудры и книжники, и от них убите и распнете, и от них биете на сонмищах ваших, и изженете

от града во град, яко да приидет на вы всяка кровь праведна, проливаемая на земли, от крове Авеля праведнаго до крове Захарии сына Варахиина, егоже убисте между церковию и олтарем. Аминь глаголю вам, яко приидут вся сия на род сей. Иерусалиме, Иерусалиме, избивый пророки и каменiem побиваяй посланья к тебе, колькраты восхотех обрати чада твоя, якоже собирает кокош птенцы своя под криле, и не восхотесте? Се, оставляется вам дом ваш пуст. Глаголю бо вам, яко не имате Мене видети отселе, дондеже речете: благословен Грядый во имя Господне.

Лик: Слава Тебе, Господи, слава Тебе.

Псалом 50.

Чтец: Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя; яко беззаконие мое аз знаю, и грех мой предо мною есть вина. Тебе Единому согреших и лукавое пред Тобою сотворих, яко да оправдишися во словесах Твоих, и победиши внегда судити Ти. Се бо, в беззаконных зачат есмь, и во гресех роди мя мати моя. Се бо, истину возлюбил еси; безвестная и тайная премудрости Твоея явил ми еси. Окропиши мя иссопом, и очищуся; омыеши мя, и паче снега убелюся. Слуху моему даси радость и веселие; возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзешу, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Диакон: Спаси, Боже, люди Твоя и благослови достояние Твое, посети мир Твой милостию и щедротами, возвыси рог христиан православных и низпосли на ны милости Твоя богатыя, молитвами всепречистыя Владычицы нашея Богородицы и Приснодевы Марии, силою Честнаго и Животворящаго Креста, предстательства честных Небесных Сил бесплотных, честнаго, славнаго пророка, Предтечи и Крестителя Иоанна, святых славных и всехвальных Апостол, иже во святых отец наших и вселенских великих учителей и святителей, Василия Великаго, Григория Богослова и Иоанна Златоустаго, иже во святых отца нашего Николая, архиепископа Мирликийскаго, чудотворца, святых равноапостольных Мефодия и Кирилла, учителей словенских, святых равноапостольных великаго князя Владимира и великия княгини Ольги, иже во святых отец наших всея России чудотворцев, Михаила, Петра, Алексия, Ионы, Макария, Филиппа, Иова, Еρμοге́на, Филарета, Иннокентия и Тихона, святых, славных и добропобедных мучеников, преподобных и богоносных отец наших, святых и праведных богоотец Иоакима и Анны и святаго (**ИМЯРЕК**), егоже есть храм и егоже есть день), и всех святых. Молим Тя, многомилостиве Господи, услыши нас, грешных, молящихся Тебе, и помилуй нас.

Лик: Господи, помилуй. (12 раз)

Священник: Милостию и щедротами и человеколюбием единороднаго Твоего Сына, с Нимже благословен еси, со пресвятым и благим и животворящим Твоим Духом, ныне и присно и во веки веков.

Лик: Амѣнь.

Ектенія малая:

Пѣки и пѣки мѣром Гбсподу помблѣмся.

Лик: Гбсподи, помѣлуй.

Заступѣ, спасѣ, помѣлуй и сохрани нас, Ббже, Твоею благодѣтѣю.

Лик: Гбсподи, помѣлуй.

Пресвятую, Пречѣстную, Преблагословенную, Славную Владычицу нашу Богородицу и Приснодѣву Марию, со всѣми свѣтѣми помянувшѣ, сѣми себѣ и друг друга, и весь живбт наш Христу Ббгу предадѣм.

Лик: Тебѣ, Гбсподи.

Священник: Ты бо есѣ Царь мѣра и Спас душ нѣших, и Тебѣ славу возсылаѣм, Отцу и Сыну и Свѣтбму Духу, ныне и присно и во вѣки веков.

Лик: Амѣнь.

Кондак Великаго Вторника, глас 2.

Подобен: Вѣшних ищѣ:

Чтец: Час, душе, конца помѣсливши, / и посечѣния смоковницы убоѣвшисья, / данный тебѣ талант трудолюбно дѣлай, окаѣнная, / ббдрствующи и зовущи: / да не пребудем вне чертога Христова.

Икос:

Что унываѣши, душе моя окаѣнная? / Что мечтаѣши безврѣменно попечѣния неполѣзная? / Что упражняѣши к мимотекущим? / Последнейший час есть отсѣле, / и разлучѣтѣся и мамы от сущих зде. / Дбндеже врѣмя и маши, возникни зовущи: / согрѣших Ти, Спасе мой, / не посецы менѣ якоже неплодную смоковницу, / но яко благоутробен, Гбсподи, / ущѣдри со страхом зовущую, / да не пребудем вне чертога Христова.

Синаксарь.

Двоупеснец:

Песнь 8.

Ирмос: Велѣнию мучѣтелеву / преподбнии триѣ бтроцы не повинувшѣся, / в пещь ввержени, Ббга исповѣдаху, поюще: / благословѣте, дѣла Господня, Гбспода. (Дважды)

Припев: Слава Тебѣ, Ббже наш, слава Тебѣ.

Лѣность далѣче нас отвѣржим, / и свѣтлыми свѣщѣми безсмѣртнаго Жениха Христа пѣнием усрящим, / благословѣте, вопиюще, дѣла Господня, Гбспода. (6 раз)

Припев: Слава Тебѣ, Ббже наш, слава Тебѣ.

Да удовлѣет общѣтельный души нѣшея елѣй в сосудех, / яко да не на куплю полбжше врѣмя почестей, поѣм: / благословѣте, дѣла Господня, Гбспода. (5 раз)

Благословѣм Отца и Сына и Свѣтаго Духа, Гбспода, и ныне и присно и во вѣки веков. Амѣнь.

Троичен: Талант ели́цы от Бѡга прия́сте, равноси́льную благода́ть, / по́мощию да́вшаго Христа́ возрасти́те, пою́ще: / благослови́те, дела́ Господ́ня, Гѡспода.

Хва́лим, благослови́м, покланя́емся Гѡсподеви, пою́ще и превозно́сяще во вся ве́ки.

Ирмос: *Велѣнию мучи́телеву / преподо́бнии три́е ѡтроцы не повину́вшеся, / в пещь ввѣржени, Бѡга испове́даху, пою́ще: / благослови́те, дела́ Господ́ня, Гѡспода.*

Песнь 9.

Ирмос: *Невместима́го Бѡга / во чре́ве вмести́вшая, / и Ра́дость ми́ру роди́вшая, / Тя поём, Богоро́дице Дѣво. (Дважды)*

Припев: *Сла́ва Тебе́, Бѡже наш, сла́ва Тебе́.*

Ученико́м, Благо́й, бди́те, рекл еси́, / во́ньже час приидет Господ́ь, не разуме́ете, / отда́ти кому́ждо. *(6 раз)*

Припев: *Сла́ва Тебе́, Бѡже наш, сла́ва Тебе́.*

Во второ́м Твоём и стра́шном пришѣствии, Влады́ко, / десны́м овца́м мя сопричти́, / прегрешѣний презрѣв мо́их мно́жества. *(5 раз)*

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.

Троичен: Во второ́м Твоём и стра́шном пришѣствии, Влады́ко, / десны́м овца́м мя сопричти́, / прегрешѣний презрѣв мо́их мно́жества.

И паки в́место, Достѡйно, ирмос:

Ирмос: *Невместима́го Бѡга / во чре́ве вмести́вшая, / и Ра́дость ми́ру роди́вшая, / Тя поём, Богоро́дице Дѣво.*

Ектения малая:

Па́ки и па́ки ми́ром Гѡсподу помѡлимся.

Лик: *Гѡсподи, помилуй.*

Заступи́, спаси́, помилуй и сохрани́ нас, Бѡже, Твоею́ благода́тию.

Лик: *Гѡсподи, помилуй.*

Пресвяту́ю, Пречи́стую, Препоблагословѣнную, Сла́вную Влады́чицу нашу Богоро́дицу и Присноде́ву Мари́ю, со все́ми святы́ми помяну́вше, са́ми себѣ и друг дру́га, и весь живо́т наш Христу́ Бо́гу преда́дим.

Лик: *Тебе́, Гѡсподи.*

Священник: *Яко Ты хва́лят вся си́лы небѣсныя и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и при́сно и во ве́ки веко́в.*

Лик: *Ами́нь.*

Ексапостиларий:

Чертѡг Твой ви́жду, Спа́се мой, украше́нный, / и оде́жды не има́м, да вни́ду в онь, / просвети́ одея́ние души́ моея́, / Светода́вче, и спаси́ мя.

Сла́ва Отцу́ и Сы́ну и Свято́му Ду́ху.

Чертѡг Твой ви́жду, Спа́се мой, украше́нный, / и оде́жды не има́м, да вни́ду в онь, / просвети́ одея́ние души́ моея́, / Светода́вче, и спаси́ мя.

И ны́не и при́сно и во ве́ки веко́в. Ами́нь.

Чертѡг Твой ви́жду, Спа́се мой, украше́нный, / и оде́жды не има́м, да вни́ду в онь, / просвети́ одея́ние души́ моея́, / Светода́вче, и спаси́ мя.

Хвалитны псалмы.

Чтец глаголет: Хвалите Господа с небес. Тебе подобает песнь Богу. Хвалите Господа с небес, хвалите Его в вышних. Тебе подобает песнь Богу. Хвалите Его, вси Ангели Его, хвалите Его, вся Силы Его. Тебе подобает песнь Богу.

Псалом 148.

Хвалите Его, солнце и луна, хвалите Его, вся звезды и свет. Хвалите Его Небеса небес и вода, яже превыше небес. Да восхвалят имя Господне: яко Той рече, и быша, Той повеле, и создашася. Постави я в век и в век века, повеление положи, и не мимо идет. Хвалите Господа от земли, змиеве и вся бездны: огонь, град, снег, голоть, дух бурен, творящая слово Его, горы и вси холми, древа плодоносна и вси кедри, зверие и вси скоти, гади и птицы пернаты. Царие земстии и вси людие, князи и вси судий земстии, юноши и девы, старцы с юнотами да восхвалят имя Господне, яко вознесся имя Того Единого, исповедание Его на земли и на небеси. И вознесет рог людей Своих, песнь всем преподобным Его, сыновом Израилевым, людем, приближающимся Ему.

Псалом 149.

Воспойте Господеву песнь нову, хваление Его в церкви преподобных. Да возвеселится Израиль о Сотворшем его, и сынове Сиони возрадуются о Царе своем. Да восхвалят имя Его в лице, в тимпани и псалтири да поют Ему. Яко благоволит Господь в людех Своих, и вознесет краткия во спасение. Восхвалятся преподобнии во славе и возрадуются на ложах своих. Возношения Божия в гортани их, и мечи обоюду остры в руках их: сотворити отмщение во языцех, обличения в людех, связати царя их пути, и славные их ручными ковы железными.

На 6: Сотворити в них суд написан. / Слава сия будет всем преподобным Его.

Псалом 150.

Хвалите Бога во святых Его, / хвалите Его во утвержении силы Его.

На 4: Хвалите Его на силах Его, / хвалите Его по множеству величества Его.

На хвалитех стихиры самогласны:

Глас 1:

Во светлостех святых Твоих, / како вниду недостойный? / Аще бо дерзну совнати в чертог, / одежда мя обличает, яко несть брачна, / и связан извержен буду от ангелов. / Очисти, Господи, скверну души моея, / и спаси мя, яко Человеколюбец.

Хвалите Его во гласе трубнем, / хвалите Его во псалтири и гуслех.

Во светлостех святых Твоих, / како вниду недостойный? / Аще бо дерзну совнати в чертог, / одежда мя обличает, яко несть брачна, / и связан извержен буду от ангелов. / Очисти, Господи, скверну души моея, / и спаси мя, яко Человеколюбец.

На 2: Хвалите Его в тимпани и лице, / хвалите Его во струнах и органе.

Глас 2:

Душевною лениостию воздремавша, / не стяжах, Женише Христе, / горяща светильника иже от добродетелей, / и девам уподобихся буим, / во время

делания глумляся. / Утробы щедрот Твоих не затвори мне, Владыко, / но оттряс мой омраченный сон, возстави, / и с мудрыми введи девами в чертог Твой, / идеже глас чистый празднующих, / и вопиющих непрестанно: / Господи, слава Тебе.

Хвалите Его в кимвалех dobroгласных, хвалите Его в кимвалех восклицания. / Всякое дыхание да хвалит Господа.

Душевною лениостию воздремався, / не стяжах, Женише Христе, / горяща светильника иже от добродетелей, / и девам уподобихся бумим, / во время делания глумляся. / Утробы щедрот Твоих не затвори мне, Владыко, / но оттряс мой омраченный сон, возстави, / и с мудрыми введи девами в чертог Твой, / идеже глас чистый празднующих, / и вопиющих непрестанно: / Господи, слава Тебе.

Слава Отцу и Сыну и Святому Духу, и ныне и присно и во веки веков. Аминь.

Глас 4:

Скрывшаго талант осуждение слышавши, о душе, / не скривай словесе Божия, / возвещай чудеса Его, / да умножаючи дарование, / внидеши в радость Господа твоего.

Славословие вседневное.

Чтец: Слава Тебе, показавшему нам свет.

Слава в вышних Богу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя великия ради славы Твоея. Господи, Царю Небесный, Боже, Отче Вседержителю, Господи Сыне Единородный, Иисусе Христе, и Святой Душе. Господи Боже, Агнче Божий, Сыне Отець, вземляй грех мира, помилуй нас. Вземляй грехи мира, прими молитву нашу. Сядяй одесную Отца, помилуй нас. Яко Ты еси Един Свят; Ты еси Един Господь, Иисус Христос, во славу Бога Отца, аминь.

На всяк день благословлю Тя и восхваляю имя Твое во веки, и в век века.

Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой, яко у Тебе источник живота, во свете Твоем узрим свет. Пробави милость Твою ведущим Тя.

Таже:

Сподоби Господи, в день сей без греха сохранитися нам. Благословен еси, Господи, Боже отец наших, и хваально и прославлено имя Твое во веки, аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святой, просвети мя оправданием Твоим.

Господи, милость Твоя во век, дел руку Твоею не презри: Тебе подобает хвала, Тебе подобает пение, Тебе слава подобает, Отцу и Сыну и Святому Духу, ныне и присно и во веки веков, аминь.

Ектенія просительная:

Диакон: Исполним утреннюю молитву нашу Господеви.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Диакон: Дне всего совершенна, свята, мирна и безгрешна, у Господа просим.

Лик: Подай, Господи.

Диакон: Ангела мирна, верна наставника, хранителя душ и телес наших, у Господа просим.

Лик: Подай, Господи.

Диакон: Прощения и оставления грехов и прегрешений наших, у Господа просим.

Лик: Подай, Господи.

Диакон: Добрых и полезных душам нашим и мира миру, у Господа просим.

Лик: Подай, Господи.

Диакон: Прочее время живота нашего в мире и покаянии скончати, у Господа просим.

Лик: Подай, Господи.

Диакон: Христианския кончины живота нашего безболезненны, непостыдны, мирны и добраго ответа на Страшнем Судийци Христове просим.

Лик: Подай, Господи.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

Лик: Тебе, Господи.

Священник: Яко Бог милости и щедрот и человеколюбия еси, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь.

Священник: Мир всем.

Лик: И духови твоему.

Диакон: Главы наша Господеви приклоним.

Лик: Тебе, Господи.

Священник: Твое бо есть, еже миловати и спасати ны, Боже наш, и Тебе славу возсылаем Отцу и Сыну и Святому Духу, ныне и присно и во веки веков.

Лик: Аминь.

На стиховне стихиры самогласны, глас 6:

Приидите, вернии, / делаим усердно Владыце, / подавает бо рабom богатство, / и по равенству кийждо да многоусугубим благодати талант, / ов убо мудрость да приносит дела благими, / ов же службу светлости да совершает. / Да приобщается же словом верный тайны ненаученному, / и да расточает богатство убогим другий, / сиче бо заимованное многоусугубим, / и яко строителие вернии благодати, / Владычния радости сподобимся. / Той нас сподоби, Христэ Боже, / яко Человеколюбец.

Стих: Исполнихомся заутра милости Твоя, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их.

Егда приидеши во славе со ангельскими силами, / и сядеши на престоле, Иисусе, разсуждения, / да мя, Пастырю Благий, не разлучиши, / пути бо десныя веси, / развращени же суть шуии. / Да не убо с козлицы грубаго мя грехом погубиши, / но десным мя сочетав овцам, / спаси, яко Человеколюбец.
Стих: И буди светлость Господа Бога нашего на нас, и дела рук наших исправи на нас, / и дело рук наших исправи.

Женише, добротою красныи паче всех человек, / призывай нас к трапезе духовней чертога Твоего, / нелепый мой зрак прегрешений / совлецы причастием страданий Твоих, / и одеждею славы украсив Твоея красоты / сообедника светла мя покажи Твоего Царствия, / яко Милосерд.

Слава Отцу и Сыну и Святому Духу, и ныне и присно и во веки веков. Аминь.

Глас 7:

Богородичен: Се тебе талант Владыка вверяет, душе моя, / страхом прими дар, займствуй давшему, / раздавай нищим и стяжи друга Господа, / да станеша одесную Его, егда приидет во славе, / и услышиши блаженный глас: / вниди рабе в радость Господа твоего. / Тоя достойна мя сотвори, Спасе, заблудившаго, / великия ради Твоея милости.

Чтец: Благо есть исповедатися Господеву и пети имени Твоему, Вышний, возвещати заутра милость Твою и истину Твою на всяку ночь. **(Дважды.)**

Святой Боже, Святой Крепкий, Святой Безсмертный, помилуй нас. (Трижды.)

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. (Трижды.)

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на небесех! Да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила и слава, Отца и Сына и Святаго Духа, ныне и присно и во веки веков.

Чтец: Аминь.

Тропарь утрени:

В храме стояще славы Твоея, на небеси стояти мним, Богородице, Дверь Небесная, отверзи нам двери милости Твоея.

Господи, помилуй. (40 раз.)

Слава Отцу и Сыну и Святому Духу, и ныне и присно и во веки веков. Аминь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Именем Господним благослові, ѓтче.

Священник: Сый благословѣн Христос Бог наш всегда, ныне и присно и во веки веков.

Чтец: Амѣнь.

Небесный Царю, веру утверди, языки укроти, мир умири, святыи храм сей добре сохрани: прежде отшедшия отцы и братию нашу, в селениих праведных учини: и нас в покаянии и исповѣдании приими, яко Благий и Человеколюбец.

Молитва святаго Ефрема:

Священник: Господи и Владыко живота моего, дух праздности, уныния, любоначала и празднословия не даждь ми. *(Поклон великий.)*

Священник: Дух же целомудрия, смиренномудрия, терпения и любви даруй ми, рабу Твоему. *(Поклон великий.)*

Священник: Ей Господи Царю, даруй ми зрети моя прегрешения и не осуждати брата моего, яко благословен еси во веки веков. Амѣнь. *(Поклон великий.)*

Таже малых 12, глаголюще в себе на кийждо поклон:

Бже, очисти мя, грешнаго.

И паки: Господи и Владыко живота моего, дух праздности, уныния, любоначала и празднословия не даждь ми.

Дух же целомудрия, смиренномудрия, терпения и любви даруй ми, рабу Твоему.

Ей Господи Царю, даруй ми зрети моя прегрешения и не осуждати брата моего, яко благословен еси во веки веков. *(И поклон един великий.)*

Чтец: Амѣнь.

Час первый

Приидите, поклонимся Цареву нашему Богу.

Приидите, поклонимся и припадѣм Христу, Цареву нашему Богу.

Приидите, поклонимся и припадѣм Самому Христу, Цареву и Богу нашему.

Псалмы 5, 89, 100.

Глаголы моя внуши, Господи, разумей звание мое. Вонми гласу моления моего, Царю мой и Бже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяй беззакония, Ты еси: не приселитса к Тебе лукавнуяй, ниже пребудут беззаконницы пред очима Твоима: возненавидел еси вся делающия беззаконие. Погубиши вся глаголющия лжу: мужа кровеи и лстыва гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льстаху. Суди им, Бже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся вси уповающии на Тя, во век возрадуются, и вселишися в них, и похваляться о Тебе любящии имя Твое. Яко Ты благословиши праведника, Господи: яко оружием благоволения венчал еси нас.

Господи, прибежище был еси нам в род и род. Прежде даже горам не быти и создаться земли и вселенней, и от века и до века Ты еси. Не отврати человека

во смирение, и рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража ношная. Уничужения их лета будут. Утро яко трава мимоидет, утро процветет и прейдет: на вечер отпадет, ожестеет и исхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дни наши оскудеша, и гневом Твоим исчезохом, лета наша яко паучина поучахуся. Дни лет наших, в нихже седьдесят лет, аще же в силах, осьмьдесят лет, и множае их труд и болезнь: яко прииде кротость на ны, и накажемся. Кто вест державу гнева Твоего, и от страха Твоего ярость Твою исчезит? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся. Во вся дни наша возвеселихомся, за дни, в няже смирил ны еси, лета, в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

Милость и суд воспою Тебе, Господи. Пою и разумю в пути непорочно, когда приидеши ко мне? Прехождях в незлобии сердца моего посреде дому моего. Не предлагая пред очима моима вещь законопреступную: творящая преступление возненавидех. Не прильпе мне сердце строптиво, уклоняющагося от Мене лукаваго не познах. Оклеветавшаго тай искренняго своего, сего изгонях: гордым оком и несатым сердцем, с сим не ядях. Очи мои на верныя земли, посаждати я со мною: ходяй по пути непорочно, сей ми служаше. Не живяше посреде дому моего творяй гордыню, глаголяй неправедная, не исправляше пред очима моима. Во утрия избивах вся грешныя земли, еже потребити от града Господня вся делающия беззаконие.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе, Боже. (Трижды.)

Господи, помилуй. (Трижды.)

Посем священник, став пред царскими дверьми, глаголет настоящий тропарь со стихи, во глас 6:

Священник: Заутра услыши глас мой, Царю мой и Боже мой. **(Поклон великий.)**

Лик: Заутра услыши глас мой, Царю мой и Боже мой.

Стих 1: Глаголы моя внуши, Господи, разумей звание мое. **(Поклон великий.)**

Лик: Заутра услыши глас мой, Царю мой и Боже мой.

Стих 2: Яко к Тебе помолюся, Господи. **(Поклон великий.)**

Лик: Заутра услыши глас мой, Царю мой и Боже мой.

Священник: Слава Отцу и Сыну и Святому Духу.

Чтец: **И ныне и присно и во веки веков. Аминь.**

Что Тя наречем, о Благодатная? Небо, яко возсияла еси Солнце Правды. Рай, яко прозябла еси Цвет Нетления. Дева, яко пребыла еси нетленна. Чистую Матерь, яко имела еси на святых Твоих объятиях Сына, всех Бога. Того моли спастися душам нашим.

Таже поем на оба лика:

Лик: Стопы́ моя напра́ви по словеси́ Твоему́, и да не облада́ет мно́ю всякое беззакони́е. *(Дважды.)*

Изба́ви мя от клеветы́ челове́ческа, и сохрани́ за́поведи Твоя. *(Дважды.)*

Лице́ Твое́ просвети́ на раба́ Твоего́ и научи́ мя оправда́нием Твоим. *(Дважды.)*

Да испо́лнятся уста́ моя хвалéния Твоего́, Го́споди, яко́ да воспую́ сла́ву Твою́, весь день великолéпие Твое́. *(Трижды.)*

Посем чтец глаголет:

Святы́й Бо́же, Святы́й Кре́пкий, Святы́й Безсме́ртный, помилуй нас. *(Трижды.)*

Сла́ва Отцу́ и Сы́ну и Свято́му Ду́ху, и ны́не и присно́ и во ве́ки веко́в. Ами́нь.

Пресвята́я Трѳице, помилуй нас; Го́споди, очисти́ грехи́ на́ша; Влады́ко, прости́ беззакония́ на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, помилуй. *(Трижды.)*

Сла́ва Отцу́ и Сы́ну и Свято́му Ду́ху, и ны́не и присно́ и во ве́ки веко́в. Ами́нь.

Отче наш, Иже еси́ на небесе́х! Да святится́ и́мя Твое́, да приидет Ца́рствие Твое́, да бу́дет воля́ Твоя́, яко́ на небеси́ и на земли́. Хлеб наш насущный даждь нам днесь; и оста́ви нам до́лги на́ша, яко́же и мы оставля́ем должником́ нашим; и не введи́ нас во искуше́ние, но изба́ви нас от лука́ваго.

Священник: Яко́ Твое́ есть Ца́рство и си́ла и сла́ва, Отца́ и Сы́на и Свята́го Ду́ха, ны́не и присно́ и во ве́ки веко́в.

Чтец: Ами́нь.

Кондак Великаго Вторника, глас 2.

Подобен: Вы́шних ищя́:

Час, душе́, конца́ помысливши, / и посече́ния смоко́вницы убо́явшись, / да́нный тебе́ тала́нт трудолю́бно де́лай, ока́янная, / бо́дрствующи и зову́щи: / да не пребу́дем вне черто́га Христо́ва.

Го́споди, помилуй. *(40 раз.)*

Иже на всякое вре́мя и на всякий час, на небеси́ и на земли́ покланя́емый и сла́вимый Христé Бо́же, долготерпели́ве, многомилостиве, многобла́гоутрѳбне, Иже пра́ведныя любя́й и грешны́я милуя́й, Иже вся зовы́й ко спасе́нию, обеща́ния ра́ди бу́дущих благ. Сам, Го́споди, приими́ и на́ша в час сей моли́твы, и испра́ви живо́т наш к за́поведем Твоим: ду́ши на́ша освяти́, телеса́ очисти́, помышле́ния испра́ви, мы́сли очисти́ и изба́ви нас от всякия́ ско́рби, зол и боле́зней. Огради́ нас святы́ми Твои́ми Ангелы, да ополче́нием их соблюда́еми и наставля́еми, дости́гнем в соедине́ние ве́ры, и в ра́зум непристу́пныя Твоея́ сла́вы: яко́ благослове́н еси́ во ве́ки веко́в. Ами́нь.

Го́споди, помилуй. *(Трижды.)*

Сла́ва Отцу́ и Сы́ну и Свято́му Ду́ху, и ны́не и присно́ и во ве́ки веко́в. Ами́нь.

Честне́йшую Херувим и сла́внейшую без сравне́ния Серафим, без истле́ния Бо́га Сло́ва ро́ждшую, су́щую Богородицу Тя велича́ем.

Именем Господним благослови, отче.

Священник: Бже, ущедри ны и благослови ны, просвети лице Твое на ны и помилуй ны.

Чтец: Аминь.

Молитва святого Ефрема:

Священник: Господи и Владыко живота моего, дух праздности, уныния, любоначалия и празднословия не даждь ми. *(Поклон великий.)*

Священник: Дух же целомудрия, смиренномудрия, терпения и любви даруй ми, рабу Твоему. *(Поклон великий.)*

Священник: Ей Господи Царю, даруй ми зрети моя прегрешения и не осуждати брата моего, яко благословен еси во веки веков. Аминь. *(Поклон великий.)*

Также малых 12, глаголюще в себе на кийждо поклон:

Бже, очисти мя, грешнаго.

И паки: Господи и Владыко живота моего, дух праздности, уныния, любоначалия и празднословия не даждь ми.

Дух же целомудрия, смиренномудрия, терпения и любви даруй ми, рабу Твоему.

Ей Господи Царю, даруй ми зрети моя прегрешения и не осуждати брата моего, яко благословен еси во веки веков. *(И поклон един великий.)*

Чтец: Аминь.

Святый Бже, Святый Крепкий, Святый Безсмертный, помилуй нас. *(Трижды.)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. *(Трижды.)*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на небесах! Да святится имя Твое, да придет Царствие Твое, да будет воля Твоя, яко на небесах и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила и слава, Отца и Сына и Святого Духа, ныне и присно и во веки веков.

Чтец: Аминь.

Господи, помилуй. *(12 раз.)*

Священник: Христе, Свете Истинный, просвещающий и освящающий всякого человека, грядущаго в мир, да знаменается на нас свет лица Твоего, да в нем узрим Свет непреступный, и исправь стопы наша к деланию заповедей Твоих, молитвами Пречистой Твоей Матере и всех Твоих святых. Аминь.

Лик: Вбранной Воеводе победительная, яко избавльшися от злых, благодарственная восписуем Ти, раби Твои, Богородице; но яко имущая державу непобедимую, от всяких нас бед свободи, да зовем Ти: радуйся, Невесто Неневестная.

Священник: Слава Тебе, Христе Бже, Упование наше, слава Тебе.

Лик: Слава Отцу и Сыну и Святому Духу, и ныне и присно и во веки веков. Аминь.

Гóсподи, помíлуй. (Трижды.)
Благослови́.

Священник глаголет отпуст:

Священник: Грядый Господь на вольную страсть нашего ради спасения, Христос, истинный Бог наш, молитвами Пречистой Своей Матере, святых славных и всехвальных апостол, святых праведных Богоотец Иоакима и Анны, и всех святых, помилует и спасет нас, яко Благ и Человеколюбец.

Лик поет многолетие: